

四庫全書

經部

欽定四庫全書

周禮注疏卷二十八

漢鄭氏注 唐陸德明音義 賈公彥疏

夏官司馬第四

惟王建國辨方正位體國經野設官分職以爲民極乃
立夏官司馬使帥其屬而掌邦政以佐王平邦國注政
正也政所以正不正者也孝經說曰政者正也正德名
以行道疏

注釋曰為政者取平正之義大司馬主六軍所以正諸侯違王命不正者故鄭云所以正

不正是以康子問政孔子云子帥以正孰敢不正孝經說者是孝經緯文云政者正也正德名以行道者亦是正者先自正己之德名以行道則天下自然正引之以證正不正之事

政官之屬大司馬

卿一人小司馬中大夫二人軍司馬下大夫四人興司

馬上士八人行司馬中士十有六人旅下士三十有二

人府六人史十有六人胥三十有二人徒三百有二十

人注興衆也行謂軍行列晉作六軍而有三行取名於

此音義

興音餘行戶剛反注同行行列也

疏

釋曰此序官從大司馬至府六人其數與諸官同自

史以下則異諸官皆云史十二人胥十二人徒百二十人獨此官史十有六人胥三十二人徒三百二十人與

諸官異者以大司馬大總六軍軍事尚嚴特須監察故
胥徒獨多是以襄公三年六月晉悼公會諸侯盟于雞
澤秋晉侯之弟揚干亂行於曲梁魏絳戮其僕晉侯怒
對曰使臣斯司馬臣聞師衆以順為武是其尚嚴也注
釋曰與衆者按左氏傳僖二十八年晉侯聽與人之誦
是與為衆之義也云行謂軍行列者詩云寘彼周行是
行得為行列云晉作六軍而有三行取名於此者左氏
僖二十八年云晉侯作三行以禦狄注云晉置上中下
三軍今復增置三行避天子六軍之名以所加三軍
者謂之三行彼名軍為行取於此行司馬之名也 凡

制軍萬有二千五百人為軍王六軍大國三軍次國二
軍小國一軍軍將皆命卿二千有五百人為師師帥皆
中大夫五百人為旅旅帥皆下大夫百人為卒卒長皆

上士二十五人為兩兩司馬皆中士五人為伍伍皆有
長注軍師旅卒兩伍皆衆名也伍一比兩一閭卒一族
旅一黨師一州軍一鄉家所出一人將帥長司馬者具
師吏也言軍將皆命卿則凡軍帥不特置選於六官六
鄉之吏自卿以下德任者使兼官焉鄭司農云王六軍
大國三軍次國二軍小國一軍故春秋傳有大國次國
小國又曰成國不過半天子之軍周為六軍諸侯之大
者三軍可也詩大雅常武曰赫赫明明王命卿士南仲

大祖大師皇父整我六師以修我戎既儆既戒惠此南
國大雅文王曰周王于邁六師及之此周為六軍之見
于經也春秋傳曰王使虢公命曲沃伯以一軍為晉侯
此小國一軍之見于傳也百人為卒二十五人為兩故

春秋傳曰廣有一卒卒偏之兩音義

軍將子匠反凡軍將將帥之類放此

帥所類反下將帥之字皆同卒子忽反後皆同卒長丁
丈反卷內不出者放此比毗志反大祖音泰下大師及
下文大僕同皇父音甫儼本亦作敬疏釋曰云此大國
京領反見賢遍反下同廣光浪反次國小國者皆
以命數同者軍數則同則上公為大國侯伯為次國子
男為小國也魯是侯爵而魯頌云公徒三萬注云萬二

千五百人為軍大國三軍合三萬七千五百人言三萬者舉成數也然當公之時其實二軍故襄公十一年作三軍則前無三軍矣若僖公時有三軍則中間應有舍文詩言為三軍者作詩之人舉魯盛時而言若然魯公伯禽之時則三軍矣魯語季武子為三軍叔孫昭子曰不可又云今我小侯也明大侯之時有三軍矣鄭答林碩為三萬之大數者以實言之也此言軍將皆命卿及師帥皆中大夫旅帥皆下大夫卒長皆上士兩司馬皆中士伍皆有長者皆據在鄉為鄉大夫州長黨正族師閭胥比長時尊卑命數而言伍皆有長是比長下士不言皆下士者以衆多官卑故畧而不言也注釋曰鄭以經伍兩卒旅師軍皆據在鄉內民數而言者以其凡出軍皆據六鄉為數是以小司徒云凡起徒役無過家一人是以鄭據在鄉之數而以家出一人結之也鄭云言凡軍將皆命卿則凡軍帥不特置選於六官六鄉之吏者鄭言選於六官者謂王朝六卿此六軍之將還選六

鄉中有武者為軍將也又別言六鄉之吏者據六鄉大夫及州長黨正族師閭胥比長中有武者今出軍之時還遣在鄉所管之長為軍吏也鄭必知還遣本長為軍吏者見管子云因內政寄軍令且經並據在鄉時尊卑而言故知因遣其鄉之官而領之也是以州長職注云掌其戒今賞罰則是於軍因為師帥自黨已下注皆云因為旅帥因為卒長閭胥以下雖不言因為義可知又云自鄉已下德任者使兼官焉者按大司馬云師都載旃鄉遂載物鄭云鄉遂大夫或載旃或載物衆屬軍吏無所將則自鄉已下至伍長有武德堪任為軍之吏者乃兼官兼官者在鄉為鄉官在軍為軍吏若無武德不堪任為軍吏者則衆屬他軍吏身不得為軍吏是無所將也是以詩云黷貽有爽以作六師鄭云諸侯世子除三年之喪未遇爵命服士服而來時有征伐之事天子除以其賢任為軍將是代為軍將之事則王朝之官有武德者皆可代為軍吏也先鄭云王六軍已下復引諸文

者以當時有不信周禮者故引為證言春秋有大國有次國有小國者此非春秋正文成三年冬十一月晉侯使荀庚來聘衛侯使孫良夫來聘公問諸臧宣叔曰中行伯之於晉其位在三孫子之於衛也位為上卿將誰先對曰次國之上卿當大國之中中當其上下當其上大夫小國之上卿當大國之下卿中當其上大夫下當其下大夫上下如是古之制也衛在晉不得為次國晉為盟主其將先之丙午盟晉丁未盟衛蓋指此為大國次國小國也云又曰成國不過半天子之軍周為六軍諸侯之大者三軍可也者襄十四年晉侯舍新軍禮也成國禮不過半天子之軍周為六軍諸侯之大者三軍可也晉雖為侯爵以其為霸主得置三軍故為禮也云此周為六軍之見于經也者此引春秋及大雅常武與文王皆是正經故云之見于經也此經言軍而詩云師者此皆軍也故鄭答林碩云軍者兵之大名軍禮重言軍為其大悉故春秋之兵雖有累萬之衆皆稱師詩云

六師即六軍也然軍旅卒兩皆衆名獨舉師者按易師
彖云師貞丈人吉无咎軍二千五百人為師丈之言長
也以法度為人之長故吉無咎謂天子諸侯而主軍軍
將皆命卿天子六軍兵衆之名移矣正言師者出兵而
多以軍為名次以師名少旅為名言衆舉中言之也由
此言之故以師為大名不言軍為其大恐不言旅為其
中故以師表名見其得中以兼上下言多以軍為名謂
征伐次以師為名謂君行師從少以旅為名謂卿行旅
從之時也云春秋傳曰王使虢公命曲沃伯以一軍為
晉侯此小國一軍之見於傳者莊十六年傳文以其新
并晉國雖為侯爵以小國軍法命之故一軍也云故春
秋傳曰廣有一卒卒偏之兩者宣十二年樂武子說楚
之軍法云其君之戎分為二廣服氏云左右廣各十五
乘廣有一卒服氏云百人為卒言廣有一卒為承也卒
偏之兩服氏云五十人曰偏二十五人曰兩廣既有一
卒為承承有偏偏有兩故曰卒偏之兩引之以證卒是

百人兩為二十
五人意也

一軍則二府六史胥十人徒百人疏

此釋曰非

常也有軍則置之無則已府史不言府二人史六人而逆言其數者欲見所置非常故倒言以見義也

司勲上士二人下士四人府二人史四人胥二人徒二

十人注故書勲作勛鄭司農云勛讀為勲勲功也此官

主功賞故曰掌六鄉賞地之法以等其功音義

勛香云反劉音

訓疏

釋曰此已下六十官以大司馬主軍法所有軍事及武勇官爵賞賚整齊之等皆屬馬序官前後亦

不據尊卑直取事急者居前事緩者居後是以司勲及馬質已下皆士官而居前射人諸子司士之等大夫官而居後也但司馬主征伐軍無賞士不往凡軍以賞為先故僖二十八年秋七月晉文公獻俘授馘飲至大賞

武王入殷封功臣謀士師尚父為首故司勳列位在前
上士二人為官下士四人為之佐府二人主藏文書史
四人作文書草胥二人為什長徒二十人給徭役注釋
曰先鄭不從古書勳而從勲者勳是古字從今之勳也
云掌六鄉賞地之法以
等其功者司勳職文

馬質中士二人府一人史二人賈四人徒八人注質平

也主買馬平其大小之賈直音義

賈音嫁注疏釋曰司及下同馬者主

以供軍之用馬質主平馬賈買之故亦列職居前也然
不使與校人相近而在此者平馬大小賈直故使與量
人相近也以其主
司馬故屬夏官

量人下士二人府一人史四人徒八人注量猶度也謂

以丈尺度地音義

量音亮或音良下同疏釋曰在此者以

舍量其市朝州塗軍社之所里其中雖有餘事要以軍事為重故亦列職於此也

小子下士二人史一人徒八人注小子主祭祀之小事

疏釋曰在此者以其職有掌小祭祀羞羊肆饗軍器師田掌斬牲徇陳之事故屬此也

羊人下士二人史一人賈二人徒八人疏釋曰羊人在此者以其職

有掌羊牲又祭祀割牲等之事羊屬南方火司馬火官故在此按說卦云兌為羊注云其畜好剛鹵又易說云大山失金雞西嶽亡玉羊玉羊者西嶽之精而羊不在西方者羊有二義按五行傳云視之不明則有羊禍注云羊畜之遠視者屬視故列在夏官兌為羊又屬西方也

司燿下士二人徒六人注故書燿為焦杜子春云焦當

為燿書亦或為燿燿為私火玄謂燿讀如予若觀火之

觀今燕俗名湯熱為觀則燿火謂熱火與音義

燿古喚反焦哉

約反李又音灼觀古疏釋曰在此者按其職有行火之

與反下同與音餘

疏

政令火屬南方故在此也注釋

曰子春不從古書燿還從燿燿為私火者民間理爨之

火為私火亦如後鄭為熱火也後鄭讀如予若觀火者

盤庚告其羣臣不欲徙而匿情者予若觀熱也我有刑

罰如熱火可畏故引燕俗以湯熱為觀亦取熱火之義

後鄭云謂熱火與者對秋官司烜氏以夫燧取火於日

中為明者為冷火破字為疑故云與也孔安國以觀為

視我觀汝情如視火與鄭義異也若然司

烜氏不在此者彼取金義故在秋官也

掌固上士二人下士八人府二人史四人胥四人徒四

十人注固國所依阻者也國曰固野曰險易曰王公設

險以守其國疏

注釋曰鄭云固國所依阻者也者欲見固據在國而言云國曰固野曰險者對

下文司險是在野之義也以其掌固職云掌修城郭溝池樹渠之固並據國而言司險職云周知山林川澤之阻而達其道路皆據在野而言故知在野曰險又引易者易坎卦象云天險不可升地險山川丘陵王公設險以守其國引之證固是在國王公設之以守國若然易云王公設險即此固以其言王公設之非是在野自然之險者是對文則險固異散則險固通名也掌固司險在此者取整齊之義故也

司險中士二人下士四人史二人徒四十人

掌疆中士八人史四人胥十有六人徒百有六十人注

疆界也音義

疆居良反注及後同

疏

釋曰在此者按其職闕雖未知其事蓋掌守疆界亦是禁

戒之事故在此也

候人上士六人下士十有二人史六人徒百有二十人

注候候迎賓客之來者疏

釋曰在此者案其職云各掌其方之道治與其禁令以設

候人是候迎賓客之事故詩云彼候人兮荷戈與袂亦是武事故在此也

環人下士六人史二人徒十有二人注環猶卻也以勇

力卻敵音義

環戶闕反

劉戶串起畧反下同

疏

釋曰在此者按其職云掌致師察軍慝皆

是軍師之事
故在此也

挈壺氏下士六人史二人徒十有二人注挈讀如絜髮

之絜壺盛水器也世主挈壺水以為漏音義

挈劉苦結反一音結

又戶結反疏

釋曰在此者按其職云掌挈壺以令軍井挈轡以令舍挈畚以令糧又云凡軍事懸

壺以序聚櫜皆為軍事故在此也注釋曰鄭讀挈如絜髮之絜者詩云總角之晏毛傳云總角結髮此鄭依毛傳絜即結之義也鄭云世主挈壺水以為漏者以其稱氏此則官有世功則以官為氏故以世主解之也

射人下大夫二人上士四人下士八人府二人史四人

胥二人徒二十人疏

釋曰在此者以其主射事射即武事故在此也

服不氏下士一人徒四人注服不服之獸者疏

釋曰

在此者以其服不服之獸象王者伐叛柔服之義故在此也

射鳥氏下士一人徒四人音義

射食疏釋曰在此者按亦反其職云掌射鳥

亦是武事在此宜也

羅氏下士一人徒八人注能以羅網搏鳥者郊特牲曰

大羅氏天子之掌鳥獸者音義

搏音博一音付疏釋曰本又作捕音步在此

者按其職云掌羅鳥羅亦是武事故在此也注釋曰引郊特牲云大羅氏天子之掌鳥獸者按彼云大羅氏天子之掌鳥獸者諸侯貢屬焉彼大羅氏與此羅氏為一彼稱大對諸侯此直曰羅氏無所對故不稱大此職唯

羅鳥不主獸彼魚言獸者諸侯所貢鳥獸屬焉則兼掌所貢之獸也

掌畜下士二人史二人胥二人徒二十人注畜謂斂而

養之音義

畜許六反注疏釋曰在此者按其職云掌養同劉許又反疏鳥而阜蕃教擾之是專養鳥

其職注謂驚驚之屬是斂而養之鳥是羽蟲屬南方故在此也

司士下大夫二人中士六人下士十有二人府二人史

四人胥四人徒四十人疏

釋曰在此者以其職云掌以德詔爵以功詔祿與大司馬

云進賢興功同故列職於此也

諸子下大夫二人中士四人府二人史二人胥二人徒

二十人注諸子主公卿大夫士之子者或曰庶子疏

釋曰

在此者按其職云若有甲兵之事則授之車甲故亦在此也注釋曰鄭云諸子主公卿大夫士之子者按其職云掌國子之倅倅副代父者是公卿大夫士之適子皆是倅故鄭歷言之云或曰庶子者按禮記燕義稱此諸子為庶子故言或曰以其燕禮有庶子執燭之事彼稱諸子謂之庶子故燕義兼說天子諸子之事諸庶為一皆掌公卿大夫士之適故通謂之庶子也

司右上士二人下士四人府四人史四人胥八人徒八

十人注右謂有勇力之士充王車右疏

釋曰在此者王車之右執干戈

以衛王亦是武事故在此也注釋曰鄭知勇力者其職云國之勇力之士能用五兵者屬焉鄭云選右當於中

是用勇力
充之者也

虎賁氏下大夫二人中士十有二人府二人史八人胥

八十人虎士八百人注不言徒曰虎士則虎士徒之選

有勇力者音義

賁音奔下同

疏釋曰在此者亦衛守王在此

虎士則虎士徒之選有勇力者以其在胥下例皆是徒

以當
徒處

旅賁氏中士二人下士十有六人史二人徒八人疏

釋曰

在此者按其職云掌執戈盾夾王車而趨左八人右八人車止則持輪言旅見其衆言賁見其勇亦是衛守王

事故在此也

節服氏下士八人徒四人注世為王節所衣服音義

為于

偽疏釋曰在此者按其職云郊祀二人執戈送逆尸從反疏車亦是武事故在此也注釋曰鄭云世為王節所衣服者以其著服與王為節而稱氏故知官有世功則曰官族然凡稱氏者鄭雖不釋為世功但注有詳畧從可知也

方相氏狂夫四人注方相猶言放想可畏怖之貌音義

放方丈反本疏釋曰在此者按其職云蒙熊皮黃金四或作旒音同疏目玄衣朱裳執戈揚盾可畏怖亦是武事故在此也注釋曰鄭云方相猶言放想者漢時有此語是可畏怖之貌故云方相也

大僕下大夫二人小臣上士四人祭僕中士六人御僕

下士十有二人府二人史四人胥二人徒二十人注僕

侍御於尊者之名大僕其長也疏

釋曰在此者凡言僕御者是武衛之事又

太僕職凡軍旅田役贊王鼓故凡僕御皆連類在此也太僕已下四官因仍同府史之等者太僕已下至御僕乃是別職同官故同府史也小臣其職云掌王之小命詔相王之小法儀祭僕其職云掌受命於王以視祭祀御僕其職云掌羣吏之逆及庶民之復太僕為長故連類在此若然府史胥徒在御僕下者是四官別職同官故共府史胥徒也

隸僕下士二人府一人史二人胥四人徒四十人注此

吏而曰隸以其事褻音義

褻息疏釋曰在此者以僕皆列反疏在此故亦在此但所

掌事褻故別官職不屬太僕注釋曰鄭云此吏而曰隸以其事褻者此經言下士二人即是吏按秋官有罪隸

已下是奴稱隸以其掌褻故與賤同稱隸也

弁師下士二人工四人史二人徒四人注弁者古冠之

大稱委貌緇布曰冠音義

弁皮房反疏釋曰在此者以稱尺證反夏物長大而盛

壯人年長大乃冠以象夏故不同司服在春官而在此也注釋曰按禮記郊特牲及士冠記皆云夏收殷尋周

弁三代皆祭冠則弁亦冕也即是六冕皆得稱弁若然皮弁爵弁自然是弁故鄭云弁者古冠之大稱也云委

貌緇布曰冠者此二者對皮弁爵弁六冕惟曰冠若散文亦得言弁故司服云凡田冠弁服凶事服弁服皆得

言弁也

司甲下大夫二人中士八人府四人史八人胥八人徒

八十人注甲今之鎧也司甲兵戈盾官之長音義鎧苦

受反

盾常允反

疏

釋曰在此者其職雖闕但甲者軍師所用

又音允

在此宜也注釋曰言甲今之鎧者今古用

物不同其名亦異古用皮謂之甲今用金謂之鎧從金

為字也云司甲兵戈盾官之長者以其此官下大夫又

在上已下皆士官故云長也

司兵中士四人府二人史四人胥二人徒二十人疏

釋曰

在此者按其職云掌五兵五盾及授兵從司馬之法此亦為軍事在此宜也

司戈盾下士二人府一人史二人徒四人注戈今時句

矛戟音義

句古侯反
子音結

疏

釋曰在此者按其職云祭祀授旅賁及故士戈盾授舞者兵皆

武事故在此也注釋曰按冬官冶氏為戈戟戈則兩刃長六尺六寸戟則三刃長丈六尺形既不同鄭云戈句矛戟而為一物解之者鄭舉漢法以況之漢時見戈有旁出者為句矛亦名胡矛故號戈為句矛戟也

司弓矢下大夫二人中士八人府四人史八人胥八人

徒八十人注司弓矢弓弩矢箠官之長音義

箠音服
疏釋曰

在此者按其職云掌六弓四弩八矢給武之所用在此宜也注釋曰云司弓矢弓弩矢箠官之長者司弓矢下大夫已下繕人橐人皆士官故得與之為長也鄭云司弓弩即繕人也

繕人上士二人下士四人府一人史二人胥二人徒二

十人注繕之言勁也善也疏

釋曰在此者按其職云掌王之用弓弩矢箠亦是武

事故在此也注釋曰云繕之言勁也善也者以其所掌弓弩有堅勁而善堪為王用者乃入繕人以共王故鄭為此解之也

豪人中士四人府二人史四人胥二人徒二十人注鄭

司農云豪讀為芻豪之豪箭幹謂之豪此官主弓弩箭

矢故謂之豪人音義

豪古老反幹如字沈古旱反疏釋曰在此者按其職云掌六弓

八矢四弩是軍事所用故在此也注釋曰先鄭云箭幹謂之豪按冬官矢人云以其弩厚為之羽深後鄭云弩

讀為橐謂矢幹古文假借字則此橐人非直掌矢橐兼主弓弩矢服等而云橐人者以橐為主目故云此官主謂之橐人

戎右中大夫二人上士二人注右者參乘此充戎路之

右田獵亦為之右焉音義

乘繩證反

疏

釋曰此戎右并下僕馭在此者皆是防衛

之官故皆在此注釋曰云右者參乘者若在軍為元帥則將居鼓下將在中御者在左若凡平兵車則射者左御者居中若國則尊者在左御者亦中央其右是勇力之士執干戈常在左右故云右者參乘也云此充戎路之右田獵亦為之右者按中車王路有五按下文僕亦有五惟此戎右已下有三不見玉路祀之右又不見木路田路之右者以田戎相類齊祀相因故以類相兼故戎右兼田右齊右兼祀右若然僕有五不兼者僕難

於右是以六藝之中有五御而不言右也按中車玉路居前戎路在後此右在前又戎右中大夫齊右下大夫道右上士戎右官又尊者夏官主事尚威武故戎右居前使官尊也

齊右下大夫二人注充玉路金路之右音義

齊側皆反下齊僕并

注疏注釋曰充金路為主故云齊按曲禮云立如齊注同疏齊謂祭祀時則齊雖施於祭前當祭時亦名齊注得兼金玉二路而鄭不言亦以其齊同故也

道右上士二人注充象路之右疏

釋曰在朝所以行道是以名車為道車以

中車五路差之上已有玉金革木之等此道右當充象路之右可知不兼而官卑者以其上四事行事簡故使兼此道右日視朝行事繁故不兼以其事卑於齊戎之等故官職卑也

大馭中大夫二人注馭之最尊音義

馭音御 疏釋曰在此者亦是衛

守之事在此宜也注釋曰云馭之最尊者以其御玉路以祀故云最尊以是特尊不與下同名僕而謂之大馭也若然戎右在前尚威武此大馭在前者以其僕雖駕馭為難仍非武事故退戎僕於後進大馭於前也仍尊戎僕在齊僕之上而使中大夫為之與戎右尊卑同也

戎僕中大夫二人注馭言僕者此亦侍御於車疏

注釋曰上

太僕已下言僕並是侍御之官稱僕今此馭車之人亦言僕者在車亦是侍御之類故云亦侍御於車也

齊僕下大夫二人注古者王將朝覲會同必齊所以敬

宗廟及神明音義

朝直遙反後朝覲皆同

疏

注釋曰齊而敬神明者按曲禮下注云春

夏受贄於朝受享於廟秋冬一受之於廟是朝覲敬宗廟按覲禮及司儀會同之時設方明於壇上設六玉以禮方明之神是會同敬神明中車云金路建大旂以賓則金路主為賓路賓路則諸侯與王行朝覲會同之禮故鄭以朝覲會同釋齊也

道僕上士十有二人注王朝朝莫夕主御王以與諸臣

行先王之道音義

朝朝上如字下直遙反莫音暮

疏

釋曰按上齊右已下至齊僕皆二人

唯戎右與道僕人數多者則戎右有所斬殺故左氏傳晉縛秦囚萊駒為右使萊駒斬之故人多也道僕所以特多者以朝夕在朝來往駕脫難而且煩故人多也注釋曰鄭云王朝朝莫夕主御者此釋人多之意云王以與諸臣行先王之道者此釋稱道之言也

田僕上士十有二人疏

釋曰人亦多者王有四時之田
兼有園囿遊獵及取鮮獸之等

亦是事繁而難
故亦特多也

馭夫中士二十人下士四十人疏

釋曰按其職云掌馭
貳車從車使車之等

馭僕之類故亦在此馭夫總六十人按校人三乘為阜
阜一趣馬三阜為繫繫一馭夫則馬三十六匹一馭夫
計良二千一百六十匹則六十馭夫又駕六麗一師六
師一趣馬六趣馬一馭夫則一馭夫主四百三十二匹
駕千二百九十六匹則馭夫三人并前六
十三人與此不合者蓋此序官脫三人也

校人中大夫二人上士四人下士十有六人府四人史
八人胥八人徒八十人注校之為言校也主馬者必仍

校視之校人馬官之長音義

校戶教反字從木若從手旁作是比校之字耳今人

多亂之注校

疏

釋曰在此者以馬共軍所用故其職云凡軍事物馬而頌之故在此官特尊而

多者以王馬多故也注釋曰云校之為言校也者讀從曲禮與少儀效馬效羊取效見義以其養官畜者必效見之故鄭云主馬者必仍校視之仍者相仍有時數數程見之也云校人馬官之長者與下趣馬至圉人為長有事皆取長官法度

趣馬下士阜一人徒四人注趣馬趣養馬者也鄭司農

說以詩曰蹶維趣馬音義

趣七口反劉清須反注同阜才阜反趣養清須反又七口

反一音七句疏釋曰在此者按其職云掌正良馬而齊反蹶居衛反其飲食是以鄭云趣馬趣養馬者故在

此也注釋曰先鄭說以詩云蹶惟趣馬者彼詩是刺幽王之詩其時臣名蹶惟作趣馬之官權寵之例引以證趣馬是官名也

巫馬下士二人醫四人府一人史二人賈二人徒二十

人注巫馬知馬祖先牧馬社馬步之神者馬疾若有犯

馬則知之以使與醫同職疏

釋曰巫知馬崇醫知馬病故連類在此也有賈

者治馬死生須知馬價故有賈人也注釋曰馬祖之等竝在下文有人犯者與為崇巫則知之為之謝過必與醫同職者巫言無崇則是時氣及損傷付醫治之故二官同職也

牧師下士四人胥四人徒四十人注主牧放馬而養之

音義

牧舊音目劉音茂沈音木

疏

釋曰在此者按其職云掌牧地是放馬故與校人連類在此也

庾人下士閑二人史二人徒二十人注庾之言數也音

義

庾所求反數色主反數之同

疏

釋曰在此者按其職云掌十有二閑之政阜馬佚特之等故與馬官

連類在此也

圉師乘一人徒二人圉人良馬匹一人駕馬麗一人注

養馬曰圉四馬為乘良善也麗耦也音義

圉魚呂反乘絕證反注同

麗如疏

釋曰在此者以其掌養馬也圉人在此者按其職云掌養馬芻牧之事以役圉師亦是為馬故

亦連類在此也

職方氏中大夫四人下大夫八人中士十有六人府四

人史十有六人胥十有六人徒百有六十人注職主也

主四方之職貢者職方氏主四方官之長疏

釋曰在此者司馬主

九畿職方制其貢事相成故在此官尊而人多以其主天下人民貢賦之事事繁故也注釋曰云主四方官之長者與下諸言方者為長也

土方氏上士五人下士十人府二人史五人胥五人徒

五十人注土方氏主四方邦國之土地疏

釋曰在此者按其職云以

土地相宅而建邦國都鄙與職方連類在此也故主四方邦國之土地

懷方氏中士八人府四人史四人胥四人徒四十人注

懷來也主來四方之民及其物疏

釋曰在此者按其職云掌來遠方之民致

方貢致遠物故與職方連類在此也

合方氏中士八人府四人史四人胥四人徒四十人注

合方氏主合同四方之事疏

釋曰在此者按其職云掌達天下之道路通其財利

同其數器故注云主合同四方之事故亦連類在此也

訓方氏中士四人府四人史四人胥四人徒四十人注

訓道也主教道四方之民音義

道音導下同

疏

釋曰在此者按其職云掌

道四方之政事與其上下之志誦四方之傳
道故注云教導四方之民故連類在此也

形方氏中士四人府四人史四人胥四人徒四十人注

形方氏主制四方邦國之形體疏

釋曰在此者按其職云掌制邦國之地域

而正其封疆故注云主制四方邦國之形體故連類在此也

山師中士二人下士四人府二人史四人胥四人徒四

十人疏

釋曰在此者按其職云掌山林之名辨其物與其利害而頒之于邦國使致其珍異之物按王

制云名山大澤不以封故天子立山師以遙掌之使貢故與職方亦連類在此也

川師中士二人下士四人府二人史四人胥四人徒四

十人疏

釋曰在此者按其職與山師同故亦連類在此

遂師中士四人下士八人府四人史八人胥八人徒八

十人注遂地之廣平者音義

遂音原

疏

釋曰在此者按其職云掌四方之地

名辨其丘陵墳衍原隰之名故連類在此也注釋曰云遂地之廣平者爾雅文也

匡人中士四人史四人徒八人注匡正也主正諸侯以

法則疏

釋曰在此者按其職云掌達法則匡邦國而觀其惡使無敢反側以聽王命注云主正諸侯以

法則故連類在此也

擇人中士四人史四人徒八人注擇人主擇序王意以

語天下音義

擇他南反與探同語魚據反

疏

釋曰在此者按其職云掌誦王志道國之政事

以巡天下之邦國而語之故注云主擇序王意以語天下故連類在此也

都司馬每都上士二人中士四人下士八人府二人史

八人胥八人徒八十人注都王子弟所封及三公采地

也司馬主其軍賦疏

釋曰言每都上士二人已下者此王自以臣為司馬遙掌都內故其


職云掌都之士庶子及其衆庶車馬兵甲之戒令聽於國司馬既是軍故在此也注釋曰鄭據何知都惟有王子弟所封及三公采地不通卿大夫者案司裘云諸侯則共熊侯豹侯卿大夫則共麋侯卿不入諸侯之中故知義然云司馬主其軍賦者即司馬法云成出士十人徒二十人之等並是都司馬所主也

家司馬各使其臣以正於公司馬注家卿大夫采地正猶聽也公司馬國司馬也卿大夫之采地王不特置司馬各自使其家臣為司馬主其地之軍賦往聽政於王

之司馬王之司馬其以王命來有事則曰國司馬疏注

曰云家卿大夫采地者按載師職家邑任稍地謂大夫采地小都任縣地謂卿之采地大都任疆地謂三公采地則卿入小都中今此經直言家而小都入家中不在上都中者司馬主軍事嚴疑為主須辨尊卑故依司裘卿與大夫不得稱諸侯者為家又不使王臣為之也若然都宗人家宗人及都士家士皆使王臣為之者都家宗人有祖王之廟九皇六十四氏王所當祭故使王臣為之都家之士以獄訟刑罪王政之重非王臣不決故

亦使王臣為之但非嚴凝故卿入都月云王之司馬其
以王命來有事則曰國司馬者其職云以聽於國司馬
對此從下向上
則曰公司馬



周禮注疏卷二十八

周禮注疏卷二十八考證

凡軍制卒長皆上士二十五人為兩○石經上士下作
二十有五人當從之又注卒一族族監本訛作旅今
改正

疏是以州長職注云掌其戒令賞罰則是於軍因為
師帥○監本脫則是於軍因為師七字今考州長注
補之

節服氏疏故知官有世功則曰官族○族監本訛旅今

据左傳改正

大馭疏此大馭在前者○大馭監本訛戎僕今據下文
云退戎僕於後進大馭於前改正之

趣馬下士阜一人徒四人○下士無員數疑有脫文以
立政與虎賁綴衣並列推之未必即以皂為下士也

周禮注疏卷二十八考證

欽定四庫全書

經部

周禮注疏卷二十九

詳校官監察御史_臣祝德麟

刑部郎中_臣許兆椿覆勘

覆校官庶吉士_臣侍朝

校對官中書_臣胡士震

謄錄監生_臣李文杞

欽定四庫全書

周禮注疏卷二十九

漢鄭氏注

唐陸德明音義

賈公彥疏

大司馬之職掌建邦國之九灋以佐王平邦國注平成

也正也

疏釋曰此九灋已下皆言邦國則施於諸侯為

糾察諸侯使之歲正故以平言之也但此九灋據殷同

之時建之故大行人云殷同以施天下之政注云政謂

邦國之九灋則殷同之時制畿封國以正邦國注封謂

司馬明布告之故云建也

立封於疆為界音義疏釋曰謂制諸侯五百四

得正故云設儀辨位以等邦國注儀謂諸侯及諸臣之

儀辨別也別尊卑之位音義

別彼列反下皆同

疏

注釋曰鄭知儀中有諸侯

及諸臣者以此經云等邦國按大行人云以九儀辨諸侯之命等諸臣之爵鄭云九儀謂命者五公侯伯子男也爵者四孤卿大夫士也知九儀中唯有諸侯諸臣無天子之臣者按大宗伯云以九儀之命正邦國之位注云每命異儀則九儀之中謂一命以至九命之儀其進中有六命八命并九命作伯兼有王臣則與此異也

賢興功以作邦國注興猶舉也作起也起其勸善樂業

之心使不惰廢音義

樂如字又音洛一音五教反

疏

釋曰進賢謂臣舊在位有德行

者在草萊有德行未遇爵命者進之使稱才任用興舉也臣有功者舉之亦使任用作起也以臣有賢有功舉

與之官則起邦國之內勸善樂業之心使不惰廢善業也建牧立監以維邦國注牧

州牧也監監一國謂君也維猶連結也音義

監古疏釋

二百一十國以為州州有牧使維持諸侯又一國立一監以監察一國上下相維故云以維邦國也此則太宰

云建其牧立其監亦一也

制軍詰禁以糾邦國注詰猶窮治也糾猶

正也音義

詰去吉反

疏

釋曰制軍者按上文大國三軍次國二軍小國一軍詰禁者按士師有五

禁天子禮此諸侯國亦當有五禁以相窮治相糾正故云以糾邦國

施貢分職以任邦國

注職謂賦稅也任猶事也事以其力之所堪疏

釋曰施貢多少

據國地大小故地官大國貢半次國三之一小國四之一皆由天子施之此大宰九貢并小行人春令入貢皆

是歲之常貢與大行人因朝而貢者異也分職者即太宰所云九職是也彼據畿內此據諸侯諸侯邦國亦由天子分之使民有職業因使稅之所稅者市之以充貢若然言貢據向天子而言云稅據民所為為說事相因皆所以任邦國故簡稽鄉民以用邦國注簡謂比數之云以任邦國也

稽猶計也音義

鄉許亮反疏釋曰注云簡謂比數之稽猶計

云以用均守平則以安邦國注諸侯有土地者均之尊

者守大卑者守小則法也疏

釋曰言均守謂五等諸侯有五等受地五百里以下

是均守也平則者則法也謂五等職貢之比小事大以

等皆有常法則邦國獲安故云以安邦國比小事大以和邦國注比猶親使大國親小國小國事大國相合和

也易比象曰先王以建萬國親諸侯音義

比毗志反注同

疏注

曰按司儀有五等諸侯自相為賓亦有五等諸侯之臣相為國客按春秋有小國朝大國大國聘小國故鄭云

使大國親小國釋經比小也云小國事大國釋經事大

使相合和故云以和邦國也引易比象者其卦坤下坎

上坤為土坎為水水得土而流土得水而柔是水土和合故象先王建萬國親諸侯謂法卦行事使諸侯相親

引之者證比以九伐之灋正邦國注諸侯有違王命則

出兵以征伐之所以正之也諸侯之于國如樹木之有

根本是以言伐云音義

伐如字劉扶發反

疏注釋曰鄭云諸侯

以征伐之所以正之也者此經與下文為目則下九者皆是違王命者也若然按下文九者唯有賊賢害民一

者稱伐其餘八者皆不言伐此經總言伐者侵滅二者亦是伐之例其餘六者皆先以兵加其境服乃青之殫之削之正之殘之杜之故皆以伐言之云諸侯之於國如樹木之有根本是以言伐云者按月令孟夏云無伐大樹孔子云伐一木不以其時非孝子是樹木稱伐此九伐施於邦國在於時會之時是以大行人云時會以發四方之禁注云禁謂九伐之法是當時會者也

馮弱犯寡則青之注馮猶乘

陵也言不字小而侵侮之青猶人青瘦也王霸記曰四

面削其地音義

馮皮水反青所疏注釋曰云馮弱據以景反瘦所又反疏強陵弱云犯寡據以

大侵小如此者青瘦其地使不得強大也引王霸記者其記王及霸事者云四面削其地者對下文削之者不

四面削之為異也

賊賢害民則伐之注春秋傳曰粗者曰侵精

者曰伐又曰有鐘鼓曰伐則伐者兵入其竟鳴鐘鼓以

往所以聲其罪音義

粗音麤本亦作麤竟音境

疏

注釋曰云賊賢者亂王所任任同已

者如此則賊虐諫輔故云賊賢也云害民者以君臣俱惡重賦多徭其民被害故曰害民如此者則聲鐘鼓伐之也引春秋傳者按莊十年二月公侵宋公羊傳曰猶者曰侵精者曰伐何休云猶麤也彼不言麤此言麤者鄭讀傳與何異猶即麤義亦同也又曰有鐘鼓曰伐者此莊二十九年夏鄭人侵許左氏傳曰凡師有鐘鼓曰伐無曰侵引此二者皆證侵輕伐重之義也

暴內陵外則壇之注內謂其國

外謂諸侯壇讀如同墀之墀王霸記曰置之空墀之地鄭司農云壇讀從憚之以威之憚書亦或為憚玄謂置

之空墀以出其君更立其次賢者音義

壇依注作墀音善憚之以徒旦

反下同本

疏

釋曰暴內即上云賊賢害民是也陵外即或無之字上云馮弱犯寡是也上二文各有其一故

伐之皆之不奪其位此則外內之惡兼有故壇之奪其位立其次賢注釋曰鄭云讀如同墀之墀從金滕三壇同墀之墀取其除地曰墀謂置之空地先鄭讀從憚之以威之憚此罪既重而直憚之於義不可故後鄭還從王霸記為正鄭知立其次賢者以其古者不滅國故知更立次已下賢子弟

野荒民散則削

之注荒蕪也田不治民不附削其地明其不能有音義

蕪音

疏

釋曰古者量地以制邑度地以居民地邑民居必參相得無曠土無遊民今言野荒民散由君

政惡民竝適彼樂國故民散而野荒是其君不能有故削之

負固不服則侵之注負

猶恃也固險可依以固者也不服不事大也侵之者兵

加其竟而已用兵淺者詩曰密人不恭敢距大邦疏

釋曰

謂倚恃險固不服事大國則以兵侵之使弱其勢也注
釋曰云固險可依以固者也者謂若僖四年楚屈完云
楚國方城以為城漢水以為池雖君之眾無所用之是
其負固不服也云不服不事大即上云比小事大是其
服者也云用兵淺者對伐是用兵深者以其罪輕直
侵之而已也詩云者大雅皇矣篇引之者證不服也賊

殺其親則正之注正之者執而治其罪王霸記曰正殺

之也春秋僖二十八年冬晉人執衛侯歸之于京師坐

殺其弟叔武音義

坐才

疏

注釋曰鄭云正之者執而治

其罪者其正未必即是殺但

賊殺其親其罪尤重故以正為殺解之是以王霸記以正為殺也引晉人執衛侯歸于京師京師據洛邑而言也云坐殺其弟叔武者按彼傳晉侯伐衛衛侯出奔楚晉侯敗楚於城濮其弟以受盟既受盟國則無罪衛侯即入將入與弟叔武為期衛侯先期入叔武將沐聞君至喜捉髮走出前驅敵犬射而殺之衛侯知其無罪枕之股而哭之元咺舊在國是叔武黨見衛侯殺弟遂訴衛侯於晉晉以衛侯有罪諸侯不相治罪遂執衛侯歸於京師時使醫行酖衛侯寤俞貨醫衍薄其酖不死是坐殺弟合正之事也

放弑其君則殘

之注放逐也殘殺也王霸記曰殘滅其為惡音義

又作

殺同疏

注釋曰鄭以逐解放則若季氏逐昭公之類是也鄭雖不解弑弑其君則若慶父弑二君及崔

杼弑君之類是也鄭云殘殺者以殺解殘也經本不云殺不云滅云殘者盖取殘賊殺之殺之苦毒故尚書梓

材云戕敗人宥注戕殘也又云無胥戕無胥虐注云無相殘賊無相暴虐是戕為殘賊也異義鄭君以為左氏宣十八年秋七月邾人戕鄆子于鄆傳曰凡自內虐其君曰弑自外曰戕戕即邾人戕鄆子是也自內弑其君曰弑者晉人弑其君州蒲是也雖他國君不加虐亦曰殺若加虐殺之乃謂之戕之取殘賊之意也若自上殺下及兩下自相殺之等皆曰殺若然此經云殘者是加虐殺之雖非他國君至於賊臣亦云殘也 犯令

陵政則杜之注令猶命也王霸記曰犯令者違命也陵

政者輕政灋不循也杜之者杜塞使不得與鄰國交通

疏注釋曰鄭訓令為命者欲就王霸記之命解之為王命之意也但犯命陵政是不受上命不通之事故還

杜塞之使不與四鄰交通外內亂鳥獸行則滅之注王霸記曰悖人

倫外內無以異于禽獸不可親百姓則誅滅去之也曲

禮曰夫唯禽獸無禮故父子聚麀音義

行下孟反悖必內反去起呂反

夫音符麀於牛反牝鹿也

疏注釋曰外亂謂淫於外若齊襄公魯桓夫人文姜之等是也內亂謂家內若衛

宣公上烝父妾下納子妻之等是也引曲禮者鹿之父

子聚麀獸之亂不言鳥之亂義可知故畧而不言也按春秋公羊左氏說凡征戰有六等謂侵戰伐圍入滅用

兵麀猶不聲鐘鼓入境而已謂之侵侵而不聲則戰之謂兩陳交及戰而不服則伐之謂用兵精而聲鐘鼓伐

而不服則圍之謂而四郭圍而不服則入之謂入其四郭取人民不有其地入而不服則滅之謂取其君正

此皆舉重而言假令先入後滅書入舉重已外盡然月之吉始和布政于邦國都鄙乃縣政象之灋于象魏

使萬民觀政象挾日而歛之注以正月朔日布王政於

天下至正歲又縣政灋之書挾日十日也音義

縣音玄注同始

直史反挾

疏

釋曰正月謂周正建子之月之吉謂朔日始和凡政有故言始和者若改造云耳布

政于邦國都鄙者謂上九灋九伐并下凡令以下皆此時布之邦國據畿外都鄙據畿內不言鄉遂及公邑布政可知此則徧天下也云乃縣已下亦謂正歲乃縣之一與大宰同不復具釋也乃以九畿之

籍施邦國之政職方千里曰國畿其外方五百里曰侯

畿又其外方五百里曰甸畿又其外方五百里曰男畿

又其外方五百里曰采畿又其外方五百里曰衛畿又

其外方五百里曰蠻畿又其外方五百里曰夷畿又其
外方五百里曰鎮畿又其外方五百里曰蕃畿注畿猶
限也自王城以外五千里為界有分限者九籍其禮差
之書也政職所共王政之職謂賦稅也故書畿為近鄭
司農云近當言畿春秋傳曰天子一畿列國一同詩殷
頌曰邦畿千里維民所止音義
分符問反共音恭凡
供字皆作共後倣此
疏釋曰乃以九畿之籍者謂以面五千里為九畿皆有典
籍之書今大司馬以此籍書施其政職之事於邦國諸
侯也云方千里曰國畿者此據王畿內千里而言非九
畿之畿但九畿以此國畿為本向外每五百里加為一

畿也云侯者侯也為天子伺候非常也云甸者為天子
治田以出賦貢云男者任也任王者之職事云采者采
取美物以共天子云衛者為天子衛守云蠻者蠻也以
近夷狄縻繫之以政教自此以上六服是中國之九州
自此已外是夷狄之諸侯此蠻服與大司徒云要服亦
一也言要者亦見要束以文教也云夷者以夷狄而得
夷稱也云鎮者蓋中國稍遠理須鎮守云蕃者以其最
遠故得蕃屏之稱此三服總號蕃服故大行人云九州
之外謂之蕃國世一見指此三服也此九者衛服之內
各舉一邊而言其實通稱唯蠻服以外直據彼為號不
通中國之言也注釋曰云王城以外五千里為界者兩
面相距則方萬里此則易之一君二民之地若然堯舜
之時固應萬里而五服面二千五百里兩面相距止有
五千里無萬里者此據未治洪水時服各五百里至禹
治洪水之後獨成五服服加五百則亦萬里若孔君義
則不然若據禹飛直路此周之九服亦止五千若隨山

川屈曲則禹貢亦萬里彼此不異也云九籍其禮差之書也者諸侯賦貢多少有常則大國貢半次國三之一小國四之一是其禮差也云政職所共王政之職謂賦稅也者按大宰云以九職任萬民據畿內此九職亦施與邦國則此政職也但施職事與之使萬民勤職而出賦稅諸侯得之以半與三之一四之一一市取土毛以貢之則禹貢篚貢是也據民而出謂之賦稅據諸侯所送謂之貢也引春秋傳者按襄二十五年鄭子產對晉云昔天子之地一圻列國一同今大國多數圻矣若無侵小何以至焉殷頌邦畿千里是殷頌玄鳥詩之言引此二者證王畿

千里之義

凡令賦以地與民制之上地食者參之二

其民可用者家三人中地食者半其民可用者二家五

人下地食者參之一其民可用者家二人注賦給軍用

者也令邦國之賦亦以地之美惡民之衆寡為制如六
遂矣鄭司農云上地謂肥美田也食者參之二假令一
家有三頃歲種二頃休其一頃下地食者參之一田薄

惡者所休多音義

呈反疏

釋曰此文承上邦國之下而云今賦是還據邦國諸侯而

說也此經有三等之地按小司徒注云有夫有婦然後
為家自二人以至於十人為九等七六五者為其中則
地有上中下各分為三等九等則十口食上上九口食
上中八口食上下七人食中上六人食中中五人食中
下四人食下上三人食下中二人食下下又按遂人上
地夫一廛田百畝菜五十畝中地家二百畝下地家三
百畝與此上地食者參之二合故鄭云邦國如六遂矣
若然則上地是上下之地應家八人一人為家長可任

者當云家七人今云家三人者經欲互舉以明義故以
中地之上家七人見出上地之下八人者明亦有上地
之中上地之上又言下地食者參之一其民可用者家
二人地即據下地之上人即據中地之下家五人者亦
是互舉以明義故地舉其下人舉其中欲見亦有下內
三等其地及人也先鄭云食者參之二假令一家有三
頃歲種二頃休其一頃者舉上地只應云一項五十畝
而云三頃者直取參之二舉整言之或并二家而說也

中春教振旅司馬以旗致民平列陳如戰之陳注以旗
者立旗期民於其下也兵者守國之備孔子曰以不教
民戰是謂棄之兵者凶事不可空設因蒐狩而習之凡
師出曰治兵入曰振旅皆習戰也四時各教民以其一

焉春習振旅兵入收衆專於農平猶正也音義

中音仲下放此

陳直觀反下之陳可陳陳前狗陳行疏注釋曰鄭云以陳巡陳皆同餘以意求之蒐所留反疏旗者立旗期民於其下也者謂大司馬素有田獵之期日今至期日立熊虎之旗於期處以集衆故云期民於其下云兵者守國之備孔子語欲解田獵者所以習兵故云兵是守國之傳文云不可空設因蒐狩而習之者蒐狩是田獵之名欲行蒐狩先芟草萊教戰訖乃入防田獵故云因蒐狩而習之是以書傳云戰鬪不可空習故於蒐狩以鬪之鬪之者習之是其習兵因蒐狩也云凡師出曰治兵入曰振旅皆習戰者按莊公八年正月師次於郎甲午祠兵公羊傳曰祠兵者何出曰祠兵注云禮兵不徒使故將出兵必祠於近郊陳兵習戰殺牲饗士卒又曰入曰振旅其禮一也皆習戰也左氏說治兵於廟禮也注云

三年而治兵與秋同名兵革將出故曰治兵穀梁傳亦云出曰治兵習戰也入曰振旅習戰也鄭玄於異義駁不從公羊云祠兵故云祠兵者公羊字之誤因而作之說亦不從左氏說治兵為授兵於廟云於周司馬職曰仲夏教茷舍仲秋教治兵其下皆云如戰之陳仲冬教大閱修戰法虞人萊所田之野乃為之如是治兵之屬皆習戰非授兵於廟又無祠五兵之禮是以爾雅釋天云出為治兵尚威武也入為振旅反尊卑也言反尊卑者出則壯者在前老弱在後入則壯者在後老弱在前是以鄭此云振旅兵入收衆專於農也云四時各教民以其一焉者春教振旅夏教茷舍秋辨鼓鐸錫鏡之用教治兵至冬大閱是各教民以一也

王執路鼓諸侯執賁鼓軍將執晉鼓師帥執提旅帥執鼙卒長執鐃兩司馬執鐸公司馬執鐃注鼓人職曰以

路鼓鼓鬼享以賁鼓鼓軍事以晉鼓鼓金奏以金鑣止
鼓以金鐸通鼓以金鐻節鼓鄭司農云辨鼓鐸鐻鑣之
用謂鈺鐸之屬鐻讀如濁其源之濁鑣讀如謹曉之曉
提讀如攝提之提謂馬上鼓有曲木提持鼓立馬髦上
者故謂之提杜子春云公司馬謂五人為伍伍之司馬
也玄謂王不執賁鼓尚之於諸侯也伍長謂之公司馬
者雖卑同其號音義辨如字劉万免反鐸直各反鐻直
角反鐻女交反賁扶云反將軍如
字本或作軍將提徒兮反輦薄兮反鈺音征謹火疏釋
官反曉女交反攝提爾雅云太歲在寅曰攝提格疏曰

此春夏秋三時各教其一必春辨鼓鐸者鼓雷之類象仲春雷發聲於外言辨鼓鐸獨鏡之用者此句與下文為總目也注釋曰鄭引鼓人職者欲見鼓人有六鼓四金據本各依所用今此所用或有不依本者以其唯責鼓鼓軍事是依本王執路鼓軍將執晉鼓等並不依本用而在軍兼用也先鄭云辨鼓鐸獨鏡之用謂鉦鐸之屬者按司馬鑣云十人之長執鉦百人之帥執鐸千人之帥執鞀萬人之主執大鼓義與此同故引之為證也云獨讀如濁其源之濁者此讀取音同之義濁其源者淮南子云濁其源其流不清故讀從之云鏡讀如謹曉之曉者從毛詩云以謹謹曉云提讀如攝提之提者從爾雅云寅為攝提格取音同而已云提謂馬上鼓者此先鄭蓋據當時已有單騎舉以況周其寔周時皆乘車無輕騎灋也後鄭云王不執責鼓尚之於諸侯也者按鼓人職責鼓鼓軍事計王在軍自為元帥自合執責鼓今不執責鼓者見諸侯因朝而來與王為賓客故讓之

使執貢鼓故云尚之於諸侯王既不用貢鼓而用路鼓者以其雷鼓靈鼓祭天地之鼓不敢用故用祭宗廟之路鼓也軍將用晉鼓者是鼓金奏與之相應故也不用磬鼓者鼓役事之鼓故不用云伍長謂之公司馬者雖卑同其號者按諸官大夫乃與大官同號宰夫已下并上士中士下士皆不得與大官同號今於序官大司馬之下上士得號行司馬及在軍二十五人長中士號兩司馬五人長下士號公司馬皆與大官同號者以司馬主軍軍事主嚴以教坐作進退疾徐疏數之節注習戰雖卑得同號也

灋音義

疏數音朔下注疏數同

疏

釋曰按下大閱禮備軍法虞人萊所田之野下又云中軍以鼙

令鼓鼓人皆三鼓已下有此坐作進退疾徐疏數之節彼大閱具言於此畧說有此坐作之法此於教戰之處為之故鄭云
遂以蒐田有司表貉誓民鼓遂圍禁火弊習戰法也

獻禽以祭社注春田為蒐有司大司徒也掌大田役治
徒庶之政令表貉立表而貉祭也誓民誓以犯田灋之
罰也誓曰無干車無自後射立旌遂圍禁旌弊爭禽而
不審者罰以假馬禁者虞行守禽之厲禁也既誓令鼓
而圍之遂蒐田火弊火止也春田主用火因焚萊除陳
草皆殺而火止獻猶致也屬也田止虞人植旌衆皆獻
其所獲禽焉詩云言私其縱獻肩于公春田主祭社者
土方施生也鄭司農云貉讀為禡禡謂師祭也書亦或

為禡音義

貉莫駕反注同弊婢世反劉薄計反射食亦反下王射同穢子工反肩詩作斲音同施式

鼓反禡

疏

釋曰按大閱禮遂以狩田以下云以旌為左右和之門羣吏各帥其車徒以叙和出左

莫駕反

右陳車徒有司平之既陳乃設驅逆之車有司表貉于陳前此亦當如彼但春非大備故亦畧言也言誓民者即下大閱禮羣吏聽誓於陣前鄭引月令司徒北面誓之是也云鼓者即下文中軍以鞞令鼓鼓人皆三鼓已下是也云遂圍禁者既誓令鼓而圍之云火弊者謂田止也云獻禽以祭社者此因田獵而祭非月令仲春祭社也注釋曰云春田為蒐者蒐搜也春時鳥獸孳乳搜擇取不孕任者故以蒐為名云有司大司徒也者即大司徒職云大田役治其徒庶之政令故知有司是大司徒也云表貉立表而貉祭也者此即詩及爾雅云類也禡也師祭是也云誓民誓以犯田法之罰也者當司徒北面誓之時小子斬牲以左右巡陳也云誓曰無干車

無自後射者此據漢田律而言無干車謂無干犯他車無自後射象戰陳不逐奔走又一解云前人已射中禽後人不得復射彼又云無面傷之等象降者不逆擊之云立旌遂圍禁者旌則下文大閱禮云旗居卒間者是也云旌弊者弊仆也田止旌則仆云爭禽而不審者罰以假馬者謂獲禽所算之籌罰者謂效功時爭禽不審即罰去其籌云禁者虞衡守禽之屬禁也者按山虞皆云使地之民守其屬禁謂遮屬之禁不得非時入也若然按地官川衡小田獵之所無屬禁之事宜衡者川林或有與山澤連者則亦有屬禁之事故連言之也

中

夏教茷舍如振旅之陳羣吏撰車徒讀書契辨號名之用帥以門名縣鄙各以其名家以號名鄉以州名野以邑名百官各象其事以辨軍之夜事其他皆如振旅注

芟讀如萊沛之沛芟舍草止之也軍有草止之灋撰讀
曰算算車徒謂數擇之也讀書契以簿書校錄軍實之
凡要號名者徽識所以相別也鄉遂之屬謂之名家之
屬謂之號百官之屬謂之事在國以表朝位在軍又象
其制而為之被之以備死事帥謂軍將及師帥旅帥至
伍長也以門名者所被徽識如其在門所樹者也凡此
言以也象也皆謂其制同耳軍將皆命卿古者軍將盖
為營治於國門魯有東門襄仲宋有桐門右師皆上卿

為軍將者也縣鄙謂縣正鄙師至鄰長也家謂食采地者之臣也鄉以州名亦謂州長至比長也野謂公邑大夫百官以其職從王者此六者皆書其官與名氏焉門則襄仲右師明矣鄉則南鄉甄東鄉為人是也其他象此云某某之名某某之號某某之事而已未盡聞也鄉遂大夫文錯不見以其素信于民不為軍將或為諸帥是以闕焉夜事戒夜守之事草止者慎於夜於是主別其部職音義

茂蒲末反撰息轉反又仕轉反注音莫息緩反沛步未反一音貝又普貝反數色主

反簿步古反後簿書皆放此識音志一音試下同朝直
遙反被皮偽反下同治直吏反比毗志反甄直偽反見
賢遍疏釋曰如振旅之陳者四時各教其一故春教振
反旅夏教芟舍但設經不可文文具設故云如振
旅之陳皆轉相如也云羣吏撰車徒者羣吏謂軍將至
伍長各有部分皆選擇其在車甲士三人步徒七十二
人之等云讀書契者書契謂兵士簿書之要契此小宰
之八成云師田以簡稽一也云辨號名者此帥以門名
已下是也注釋曰芟讀如萊沛之沛者按王制云居民
山川沮澤注云沮謂萊沛時俗有水草謂之萊沛故讀
從之也云芟舍草止之也者以草釋芟以止釋舍故即
云軍有草止之法云數擇之也者以解撰為數擇取其
善者云軍實之凡要者凡軍有三種或以俘囚為軍實
或以戈盾弓矢為軍實或以禽牲為軍實今此所云軍
實者據兵器為軍實凡要即名籍之總名也云號名者
徽識者即下注三者旌旗之細者也云所以相別也者

皆綴之於膊上以別死者也云鄉遂之屬謂之名者言之屬即經云縣鄙是遂之屬從縣鄙至鄰里州是鄉之屬從州至比長故言之屬以總之云家之屬謂之號者謂都家之內從大夫至士云百官之屬謂之事者從王朝六卿已下至下士野以邑名鄭雖不言亦在鄉遂之例以其同是溝洫之人出軍出貢又等故知亦入名中也其號也名也事也三者據經而言云在國以表朝位者即覲禮云上介各奉其君之旗置於宮者是也云凡此言以也象也皆謂其制同耳者以謂若經云帥以門名已下至野以邑名已上五者皆言以也惟百官云象是以也象也此六者以象雖異其制則同皆小旌旗也云軍將皆命卿者欲解帥以門名之意止由卿居於國門使為軍將故軍將得以門為名云古者軍將蓋為營治於國門者此解軍將得以門為名者只由非常之急要在於門故使卿在門住而營治其門故也云魯有東門襄仲者按昭三十二年左傳云魯文公薨而東門遂

殺適立庶魯君於是乎失國公子遂字襄仲號為東門
只由居東門宋有桐門右師者按春秋左氏傳昭二十
五年春叔孫婁聘於宋桐門右師見之注云右師宋卿
樂大心也其室居桐門故曰桐門右師是宋有桐門右
師也引之證將師得以門名之事經直云縣鄙鄭知鄰
長者以其在軍之時從遂大夫已下至鄰長皆在今畧
言縣鄙明皆有也云家謂食采地者之臣也者食采地
是公卿大夫其身其在朝其臣在采地若公山弗擾之類
今隨主在軍故以其號為名也鄉以州名亦謂州長至
比長者亦如六遂自鄉大夫已下至比長皆在今畧舉
州為首也云野謂公邑大夫者謂為四等公邑若載師
職公邑自甸以出至五百里其長二百里三百里如州
長四百里五百里如縣正長下皆有屬官在軍者皆以
邑為名云百官以其職從王者謂三百六十官各以其
職事從王在軍若大宰下六十官隨其長從王皆以事
為號也云此六者皆書其官與名氏焉者六者謂經五

以一象假令為官則云大司徒下某官姓名某也云門則裏仲右師明矣者經直云帥以門名恐直以門為名不加官與名字諸官皆須名氏明門亦有官與氏名故云明矣云鄉則南鄉甄東鄉為人是也者甄與為人皆當時鄉名故舉以為汎云其他象此者此鄭畧舉門名與鄉名其他仍有縣鄙與家野百官亦依此而稱焉云某某之名者即經云門縣鄙鄉野四者皆是某某之名謂若門名當云桐門右師之下某官某姓某甲之名三者皆放此云某某之號者即經云家以號名是也謂若魯之費邑即云費邑之下某官某姓某甲之號云某某之事者即經云百官各象其事謂若地官之下則云大司徒之下某官某姓某甲之事云未盡聞也者鄉來所釋六者畧聞帥以門名鄉以州名舉以為汎其餘未聞故云未盡聞也云鄉遂大夫文錯不見者此經六遂直云縣鄙不言遂六鄉言以州名雖見鄉亦不見鄉大夫之身其文交錯不見鄉遂大夫故云文錯不見也云以

其素信於民者兵書孫子云素信者與衆相得是也舊
素與民相信者必情義相得故鄉遂之官還使為軍吏
云不為軍將或為諸帥是以闕焉者管子云因內政寄
軍令則鄉遂大夫已下至比長鄰長皆因為軍吏以領
本民在上或別使人為軍將則鄉遂大夫別領人為帥
帥旅帥以下經在軍吏帥以門名之內故闕鄉遂大夫
也必知有別使人為軍將法者見外傳穆叔云天子作
師公帥之以征不德詩曰周公東征四國是遑此豈上
公為軍將詩云韎韐有奭以作六師此乃諸侯世子為
軍將田獵亦容如此於是時鄉遂大夫則為諸帥也若
然按下文云師都載旌鄉遂載物注云鄉遂大夫或載
旌或載物衆屬軍吏無所將也者謂鄉遂大夫全無武
用則諸帥亦不為則是衆屬他軍吏已身全無所將故
或載旌或載物不載旗義與此不違也云於是主別其
部職者釋經以辨軍之夜事分遂以苗田如蒐之灋車
別其當部當職不與外交雜也

弊獻禽以享約注夏田為苗擇取不孕任者若治苗去
不秀實者云車弊驅獸之車止也夏田主用車示所取
物希皆殺而車止王制曰天子殺則下大綏諸侯殺則
下小綏大夫殺則止佐車佐車止則百姓田獵約宗廟
之夏祭也冬夏田主于祭宗廟者陰陽始起象神之在

內音義

約餘若反孕羊證反去
起呂反綏而誰反下同

疏

釋曰在教戰之處辨
號名既訖遂入防行

苗田之法云如蒐之法者如上蒐時有司表貉誓民今
鼓遂圍禁之等云車弊及以享約二者則與春異以其
春時大弊祭社此時車弊享約也注釋曰以其春夏為
陽主其生長故春田為蒐搜取不孕任者夏田為苗若

治苗去不秀實者其義但春時主孚乳故以不孕任解之也云車樊驅獸之車止也夏田主用車示所取物希者春秋左氏傳云彼徒我車懼其侵軼我也車行遲取獸少故知用車示取物希也引王制曰天子殺則下大綏已下據殺訖而言毛詩傳云天子發抗大綏諸侯發抗小綏者據始殺而言也云大夫殺則止佐車者王制注佐車驅逆之車按田僕云掌佐車之政設驅逆之車佐車似與驅逆之車別者但王制佐車與田僕驅逆之車為一其田僕佐車自是田車之貳曰佐佐文雖同其義則異也若然驅逆之車言佐者能逐禽故以佐言之云禘宗廟之夏祭也者大宗伯文云冬夏田主於祭宗廟陰陽始起象神之在內者仲冬一陽生仲夏一陰生是陰陽在內故神象之而行祭也此祭因田獵獻禽為祭若正祭自在孟月

中秋教治兵如

振旅之陳疏

釋曰言教治兵者凡兵出曰治兵入曰振旅春以入兵為名春尚農事秋以出兵為

名秋尚嚴威故也云如振旅之陳者如辨旗物之用王春振旅時坐作進退疾徐疏數之法也

載大常諸侯載旂軍吏載旗師都載旛鄉遂載物郊野載旒百官載旟各書其事與其號焉其他皆如振旅注軍吏諸軍帥也師都遂大夫也鄉遂鄉大夫也或載旛或載物衆屬軍吏無所將也郊謂鄉遂之州長縣正以下也野謂公邑大夫載旒者以其將羨卒也百官卿大夫也載旟者以其屬衛王也凡旌旗有軍衆者畫異物無者帛而已書當為畫事也號也皆畫以雲氣音義

音

畫出注氣本

疏

釋曰按下文注以出軍之旗則如秋則

或作氣同

號焉者此二者即是仲夏百官各象其事及號名之等此秋雖不具辨號名亦畧舉之見四時皆有此物也云

其他皆如振旅者亦謂坐作進退疾徐之法如振旅之陳也注釋曰云軍吏諸軍帥也者亦謂從軍將至下伍

長皆是軍吏也云師都遂大夫也鄉遂鄉大夫也者按司常云孤卿建旌大夫士建物則鄉大夫是卿建旌是其常師都載旌不嫌無鄉大夫故鄭直舉遂大夫也云

鄉遂鄉大夫者以其遂大夫是中大夫建物是其常今鄉遂建物不嫌無遂大夫故鄭直舉鄉大夫也云或載

旌或載物衆屬軍吏無所將也者鄉遂大夫若為軍將則在軍吏載旗軍中領衆來時亦載旗今載旌載物不

載旗故知己之所管之衆屬他軍吏已無所將以其已

無武用非直不為軍將亦不為諸帥故全無所將以是

載旌載物而已若然既不為軍吏遂大夫上得與鄉同

載旌鄉大夫則是鄉下得與大夫同載物也以鄉遂大夫掌衆同故同載物也俱兩載者以其不為軍將又不任鄉職鄉大夫尊卑之常當載旌載物而已故容其兩載也云郊謂鄉遂之州長縣正以下也者郊內有六鄉州長以下郊外有六遂縣正已下故知言郊有此二等人也云野謂公邑大夫者按載師職云公邑之田任甸地郊外曰甸甸則郊外曰野故以野言之但公邑自甸以出至疆五百里有四等公邑皆有大夫治之故司馬法云二百里三百里如州長四百里五百里如縣正是公邑大夫也云載旌者以其將羨卒也者以其六鄉之內上刺致民一家一人為正卒其餘皆為羨卒六遂之內下刺致民家一人為正卒一人為羨卒其餘為餘夫正卒既屬軍吏其餘羨卒使此州長已下等不為軍吏者領之但公邑之內雖不見有出軍之法若出軍亦當與鄉遂同以其得為溝洫法故也若出軍亦正卒使大夫等為軍吏其餘羨卒亦使不為軍吏者領之云百官

卿大夫也載旗者以其屬衛王也者以其天地四時之卿大夫其屬各六十有選當行衛守王者即是有衆故載鳥隼之旗云凡旌旗有軍衆者畫異物者即經天子諸侯軍吏郊野百官是也云無者帛而已者鄉遂載旌物是也云書當為畫事也號也皆畫以雲氣者事即上百官言事號即上家言號不言名此亦有名文畧耳云畫以雲氣者鄭解經典言畫者皆以雲解之謂畫五色雲也遂以獮田如蒐田之灋

羅罝致禽以祀祊注秋田為獮獮殺也羅罝罔止也秋田主用罔中殺者多也皆殺而罔止祊當為方聲之誤

也秋田主祭四方報成萬物詩曰以社以方音義獮息淺反

祊音方出注皆殺疏釋曰上文教戰班旗物訖遂入防如字劉色界反行獮田之禮其法如蒐田之法云

羅槃致禽以祀祊者秋田主用羅羅止田畢入國過郊之神位乃致禽以祀四方之神注釋曰云祊當為方聲之誤也者以祊乃是廟門外之西惟因祭宗廟及明日繹祭乃為祊祭今既因秋田而祭當是祭四方之神故云誤也云秋田主祭四方報成萬物者以秋物成四方神之功故報祭之云詩曰以社以方者詩小雅引之證方是四方之神也

中冬教大閱注春辨鼓鐸夏辨號名秋辨旗

物至冬大閱簡軍實凡頒旗物以出軍之旗則如秋以尊卑之常則如冬司常佐司馬時也大閱備軍禮而旌

旗不如出軍之時空辟實音義

閱音悅辟音避

疏

釋曰以冬時農隙故大簡

閱軍實之凡要也注釋曰云春辨鼓鐸已下欲見春夏秋各教其一至冬大閱之時總教之故云至冬大閱軍

實云凡頒旗物以出軍之旗則如秋以尊卑之常則如冬司常佐司馬時也者以其王與諸侯所建秋冬同又秋云軍吏建旗師都載旛鄉遂載物郊野載旛百官載旗不言旛旛二者以其是出軍之法故不言道車游車所載大閱之時見尊卑之常故司常云孤卿建旛大夫士建物師都建旗州里建旗縣鄙建旛道車載旛游車載旛此為異也鄭云大閱備軍禮而旛旗不如出軍之時空辟實者大閱雖備禮是教戰非實出軍法是其空也秋教治兵治兵是出軍法故寄出軍之旗於彼是冬之空辟實出軍法者也趙商問巾車職建大麾以田注田四時田獵商按大司馬職四時皆建大常何鄭荅曰麾夏之正色田雖習戰春夏尚生其時宜入兵夏本不以兵得天下故建其正色以春夏田至秋冬出兵之時乃建大常趙商又問巾車職曰建大白以即戎注云謂兵車司馬職仲秋辨其物以治兵王建大常注凡頒物以出軍之旗則如秋不知大白以即戎為何時荅曰白

者殷之正色王即戎者或命將或勞師不前期羣吏戒自親將故建先王之正色異於親自將也

衆庶修戰灋注羣吏鄉師以下疏

注釋曰言前期者謂若大宰職云前期十

日此亦在教戰前不必要十日前也知羣吏鄉師以下者見鄉師職云凡四時之田前期出田法于州里簡其鼓鐸旗物兵器修其卒伍是其事也言鄉師以下則不及鄉鄉是鄉大夫則卿也則可及州長故州長職云若國作民而師田行役之事則帥而致之掌其戒令與其賞罰黨正云凡作民而師田行役則以其法治其政事族師亦云若作民而師田行役則合其卒伍簡其兵器以鼓鐸旗物帥而致是其以下之事也

虞人萊

所田之野為表百步則一為三表又五十步為一表田

之日司馬建旗于後表之中羣吏以旗物鼓鐸鐃各

帥其民而致質明弊旗誅後至者乃陳車徒如戰之陳

皆坐注鄭司農云虞人萊所田之野芟除其草萊令車

得驅馳詩曰田卒汙萊玄謂萊芟除可陳之處後表之

中五十步表之中央表所以識正行列也四表積二百

五十步左右之廣當容三軍步數未聞致致之司馬質

正也弊仆也皆坐當聽誓音義

芟所銜反令力呈反下
令走同卒子恤反汚音

鳥行戶剛反下行列

疏釋曰

虞人者若田在澤澤虞若
田在山山虞謂使其地之民於

行陳皆同仆音赴

可陳之處芟除草萊故云萊所田之野云為表百步則
一為三表者按下注引月令司徒北面以誓之此經云

司馬建旗於後表之中車徒皆坐則此於可陳之中從南頭立表以北頭為後表也注釋曰先鄭云虞人萊所田之野芟除其草萊令車得驅馳者謂芟除其田獵之處故云令車得驅馳引詩者證田處草萊按玉制云昆蟲未蟄不以火田則仲冬之時放火田獵何須芟除草萊是以車攻詩毛傳云大艾草以為防然後焚而射焉是田處不得芟草萊故後鄭易之以為芟除可陳之處云後表之中五十步表之中央者謂從南表至北表云表所以識正行列也者於可陳之中央立此四表表兩相各有三軍之衆至表則間一而坐坐而更起是表正行列也云積二百五十步者以三表之間有二百步又加一表五十步故總為二百五十步也云左右之廣當容三軍者天子六軍左右之地各容三軍此鄭據天子六軍整數而言其實兼義卒之等故小司徒職云凡起徒役無過家一人惟田與追胥竭作鄭云國人盡行是非止六鄉之民六軍而已云步數未聞者但先南北二

百五十步東西不言步數故云未聞也云皆坐當聽誓者下文即云聽誓於陳前故先當聽誓也

羣吏

聽誓于陳前斬牲以左右徇陳曰不用命者斬之注羣

吏諸軍帥也陳前南面鄉表也月令季秋天子教于田

獵以習五戎司徒搢扑北面以誓之此大閱禮實正歲

之中冬而說季秋之政於周為中冬為月令者失之矣

斬牲者小子也凡誓之大畧甘誓湯誓之屬是也音義

鄉許亮反搢劉如字又音箭一音初疏釋曰云羣吏聽

洽反扑音卜反甘如字劉胡甘反

誓於陳前者士

卒皆於後表北面坐羣吏諸軍帥皆在士卒前南面立以聽誓云斬牲以左右徇陳者從表左右向之以徇陳

注釋曰云羣吏諸軍帥者從軍將以至伍長謂象軍吏建旗者也引月令者證所誓者是司徒使司徒誓者此軍吏及士本是六鄉之民今雖屬司馬猶是已之民衆故使司徒誓之也云此大閱禮實正歲之中冬者周雖建子為正及其行事皆用夏之正歲則此經中夏中春中秋中冬皆據夏法也云而說季秋之政於周為中冬為月令者失之矣者呂不韋作月令以為此經中冬為周之中冬當夏之季秋故說於季秋是失之矣按月令季秋云是月也天子乃教於田獵以習五戎班馬政云云注引中秋教治兵法王載大常已下為證不云失至此乃以月令是中冬教大閱法而言為月令者失鄭君兩解之以其彼云司徒誓衆與此誓衆之等同故為大閱彼為治兵法者以彼文授車以等級及命主祠祭于四方文與中秋治兵者同故彼為治兵法也云斬牲者小子也者小子職云凡師田斬牲以左右徇陳是也云凡誓之大畧甘誓湯誓之屬是也者甘誓是啟與有扈

戰湯誓是湯伐桀誓衆辭言之屬
者仍有泰誓費誓之等故云之屬

中軍以鼙令鼓鼓人

皆三鼓司馬振鐸羣吏作旗車徒皆作鼓行鳴鐺車徒
皆行及表乃止三鼓攬鐸羣吏弊旗車徒皆坐注中軍
中軍之將也天子六軍三三而居一偏羣吏既聽誓各
復其部曲中軍之將令鼓鼓以作其士衆之氣也鼓人
者中軍之將師帥旅帥也司馬兩司馬也振鐸以作衆
作起也既起鼓人擊鼓以行之伍長鳴鐺以節之伍長
一曰公司馬及表自後表前至第二表也三鼓者鼓人

也鄭司農云撓讀如弄玄謂如豚鹿之鹿掩上振之為撓撓者止行息氣也司馬法曰鼓聲不過闔鼙聲不過

闐鐸聲不過琅音義

撓音鹿李扶表反鐸待洛反豚丁角反沈音濁劉音獨闐吐剛反闐

吐獵反劉湯

疏

釋曰此經總說聽誓既已將欲向南第

荅反琅音郎

二表

象戰陳初發面敵此即仲春振旅

疾徐坐作之事一也注釋曰中軍中軍之將也者此六

軍三軍居一偏皆自有中軍也是以鄭云天子六軍三

三而居一偏也言三三者非謂如算法云三三而九者

直是兩箇三為三而復三而已也云羣吏既聽誓命各

復其部曲者軍吏本各主其部分曲別謂若伍長主五

人兩司馬主二十五人卒長主百人之等皆是部曲至

於誓之時出向衆前聽誓訖各復其部伍本處故云復

其部曲也云中軍之將令鼓者經云中軍以鼙令鼓故

知中是中軍之將也云鼓以作其士衆之氣者春秋左氏傳曹劌云一鼓作氣再而衰三而竭是鼓以作士衆之氣也云鼓人者中軍之將帥旅帥也者按成二年左傳晉與齊戰于鞏卻克傷於矢曰余病矣張侯曰師之耳目在吾旗鼓進退從之於是右援枹而鼓之時卻克擊鼓哀二年左傳鐵之戰趙簡子云伏弋嘔血鼓音不衰是皆將居鼓下知魚有師帥旅帥者按上文春辨鼓鐸云軍將執晉鼓帥執提旅帥執輦皆是鼓人故知是軍將帥旅帥也其卒長執鏡已下皆金非鼓也云司馬兩司馬也者以其上文云兩司馬執鐸故知此經云司馬振鐸者是兩司馬也云以作衆者金雖非鼓振之者亦是以作衆也云作起也既起鼓人擊鼓以行之者釋經車徒皆作鼓行也云伍長鳴鐸以節之者上文云公司馬執鐸鼓人職云金鐸節鼓故云伍長鳴鐸以節之也云伍長一曰公司馬者上文云公司馬執鐸是伍長故云一曰公司馬也先鄭云撫讀如弄者直以

撓弄聲相近以振鐸謂之弄也玄謂如涿鹿之鹿者謂從史記黃帝與蚩尤戰于涿鹿之鹿直取音同不從義也此是鹿鹿然作聲也云掩上振之者以手在上向下掩而執之云止行息氣也者按鼓人云金鐸通鼓金鐃止鼓則金鐸是通鼓而云止行息氣者見經云撓鐸即云羣吏弊旗故知金鐸亦得止行息氣也司馬法鼓聲不過閭以下者證鼓又三鼓振鐸作旗車徒皆作鼓進聲與鐸聲之有異也

鳴鐃車驟徒趨及表乃止坐作如初注趨者赴敵尚疾之漸也春秋傳曰先人有奪人之心及表自第二前至

第三音義

驟在救反劉才疏注釋曰昭二十一年冬十邁反先悉薦反月華登以吳師救華氏宋

厨人濮曰軍志有之先人有奪人之心注云戰氣未定故也後人有待其衰注云待敵之衰乃攻是其事也

乃鼓車馳徒走及表乃止注及表自第三前至前表鼓

戒三闕車三發徒三刺注鼓戒戒攻敵鼓壹闕車壹轉

徒壹刺三而止象服敵音義

闕苦穴反

疏

注釋曰經并言三闕三發三刺鄭歷

言鼓一闕車一轉徒一刺三而止者鄭據實而言非是一時而三故也

乃鼓退鳴鏡且卻

及表乃止坐作如初注鏡所以止鼓軍退卒長鳴鏡以

和衆鼓人為止之也退自前表至後表鼓鐸則同習戰

之禮出入一也異者廢鐸而鳴鏡音義

卻起畧反和胡卧反為于偽反

下為相疑同

疏

釋曰此言乃鼓退者謂至南表軍吏及士卒回身向北更從南為始也云鳴鏡且卻者此

鳴鏡且卻據初至南表退軍之時象在軍軍退亦鳴鏡是以左氏哀公艾陵之戰陳子云吾聞鼓不聞金亦是鳴鏡退軍法及其向北即更為習戰之事故云及表乃止坐作如初故鄭云習戰之禮出入一也注釋曰云鏡所以止鼓者鼓人職云金鏡止鼓是也知卒長鳴鏡者春辨鼓鐸云卒長執鏡是也云退自前表至後表者經畧言表則及表乃止坐作如初者總向北三表故鄭云自前表至後表也云鼓鐸則同者鼓人三鼓兩司馬執鐸與向南時同以其習戰之禮出入一也云異者廢鐸而鳴鏡者前向南時云鼓行鳴鐸此北向不言鳴鐸而言鼓退鳴鏡以其雖習戰出入一也遂以狩田以旌為左右和

之門羣吏各帥其車徒以敘和出左右陳車徒有司平之旗居卒間以分地前後有屯百步有司巡其前後險

野人為主易野車為主注冬田為狩言守取之無所擇也軍門曰和今謂之壘門立兩旌以為之叙和出用次第出和門也左右或出而左或出而右有司平之鄉師居門正其出入之行列也旗軍吏所載分地調其部曲疏數前後有屯百步車徒異羣相去之數也車徒畢出和門鄉師又巡其行陳鄭司農云險野人為主人居前易野車為主車居前音義分扶問反又如字注同易疏以致反注同壘力執反釋曰此一節總論教戰記入防田獵之事故云遂以狩田也云以旌為左右和之門者六軍分三軍各處東西

為左右各為一門云以敘和出者以教戰處內故以田處出云旗居卒間者軍吏各領己之士卒執旗以表之故旗居卒間也注釋曰云冬田為狩言守取之無所擇者對春夏言蒐言苗有所擇又秋名獮中殺者多對此圍守之此又多於獮故得守名也云軍門曰和者左氏傳云師克在和不在衆田獵象戰伐故其門曰和門也云今謂之壘門者漢時軍壘為門名曰壘門與古和門同故舉為說云立兩旌以為之者昭八年穀梁傳云秋蒐于紅正也又云刈蘭以為防置旌以為轅門以葛覆質以為禁注云質椹也禁門中梟又云流旁握鉞擊者不得入注流旁握謂車兩轆頭各去門邊空握握四寸也又車攻詩傳云大艾草以為防或舍其中褐纒旃以為門裘纒質以為執門容握驅而入擊則不得入左者之左右者之右然後焚而射焉又云古者戰不出頃田不出防是其事也云有司平之鄉師居門正其出入之行列也者按鄉師職云巡其前後之屯而戮其犯命者

斷其爭禽之訟故知此經云有司皆是鄉師也云車徒異羣者出軍之時一車甲士三人步卒七十二人車徒同羣今在軍行列之時則車徒異羣故車人有異也既陳乃設驅逆之車有司表

貉于陳前注驅驅出禽獸使趨田者也逆逆要不得令

走設此車者田僕也音義

驅起其反又如字要於遠反

疏

釋曰前經論陳車徒

訖故此云既陳云乃設驅逆之車設訖即為表貉之祭於陳前也注釋曰云驅驅出禽獸使趨田者按王制云天子發諸侯發皆不云佐車者其實天子諸侯田時皆有驅逆之佐車直於大夫言之者據終而言也知設此車是田僕者見田僕職云設驅逆之車故知也中軍以鼙令鼓鼓人皆三鼓羣

司馬振鐸車徒皆作遂鼓行徒銜枚而進大獸公之小

禽私之獲者取左耳注羣司馬謂兩司馬也枚如箸銜
之有繡結項中軍法止語為相疑惑也進行也鄭司農
云大獸公之輸之於公小禽私之以自畀也詩云言私
其縱獻肩于公一歲為縱二歲為𧢲三歲為特四歲為
肩五歲為慎此明其獻大者於公自取其小者玄謂慎
讀為麋爾雅曰豕生三曰獫豕牝曰𧢲麋牝曰麋獲得
也得禽獸者取左耳當以計功音義著直慮反繡戶卦反劉又胡麥反或
音卦畀必二反與也𧢲音巴本亦作巴慎如字亦音辰
麋音辰又音腎止尸反麋麋牝也獫本亦作縱子工反

疏

釋曰此令鼓之事與上文教戰時大同惟徒銜枚為異注釋曰鄭知羣司馬謂兩司馬者上文春辨鼓鐸

云兩司馬振鐸故知之也云枚如箸銜之有繮結項中者雖無正文以意言之繮即兩頭繫也既有兩繫明於項後中央結之先鄭引詩云言私其穠獻肩于公一歲為縱已下鄭皆不從者幽詩毛傳云三歲曰駟此云四歲為肩爾雅云豕生一曰特二曰師三曰縱又爾雅云麋牝曰麋無五歲為慎又魏詩云三歲曰特先鄭皆無可依據故不從也若然駟還是鹿之絕有力者也

及所弊鼓皆駟車徒皆譟注

鄭司農云及所弊至所弊之處玄謂至所弊之處田所當於止也天子諸侯蒐狩有常至其常處吏士鼓譟象攻敵尅勝而喜也疾雷擊鼓曰駟譟譟也書曰前師乃

鼓鼗譟亦謂喜也音義

臧本亦作駭胡楷反李一音亥譟素報反鼓音符又芳甫反

疏

釋曰云及所弊者各徒弊止之處謂百姓獵止注釋曰引書曰者書傳文彼說武王伐紂時事

徒乃

弊致禽饁獸于郊入獻禽以享烝注徒乃弊徒止也冬

田主用衆物多衆得取也致禽饁獸于郊聚所獲禽因

以祭四方神于郊月令季秋天子既田命主祠祭禽四

方是也入又以禽祭宗廟音義

饁于輒反劉于法反烝之升反後皆放此疏

釋曰云致禽饁獸于郊者亦謂因田過郊之神位而饋之注釋曰月令季秋天子既田云云者證彼祭禽于四

郊與此饁獸于郊為一物其實彼一及師大合軍以行

解以為是仲秋祭禽以祠祊為一也

禁令以救無辜伐有罪注師所謂王巡守若會同司馬

起師合軍以從所以威天下行其政也不言大者未有

敵不尚武音義

從才用反下同

疏

注釋曰云師所謂王巡守若會同者以對下文云若大師

是出軍法故鄭云未有敵不尚武也

若大師則掌其戒令涖大卜帥執事

涖釁主及軍器注大師王出征伐也涖臨也臨大卜卜

出兵吉凶也司馬法曰上下謀是謂參之主謂遷廟

之主及社主在軍者也軍器鼓鐸之屬凡師既受甲迎

主于廟及社主祝奉以從殺牲以血塗主及軍器皆神

之疏

釋曰云師執事泄釁主及軍器者按小子職云釁邦器及軍器彼官釁之而大司馬臨之注釋曰鄭

知臨大卜者按大卜云掌龜之八命一曰征故知也云司馬法曰上卜下謀是謂參之者卜在廟又龜有神故云上卜謀人在下故云下謀君居其中故云參也云主謂遷廟之主及社主在軍也者曾子問云軍行則以遷廟之主行左傳祝佗云軍行被社釁鼓祝奉以從尚書云用命賞于祖不用命戮于社皆是在軍者也及

致建大常比軍衆誅後至者注比或作庀鄭司農云致

謂聚衆也庀具也玄謂致鄉師致民於司馬比校次之

也音義

比必履反注同或毗志反劉方旨反疏注釋曰庀正是反劉芳美反具也沈方二反先鄭云

庀具也者先鄭從古書庀後鄭不從以為校次者凡物有數者皆須校次乃知具不故不從具也玄謂致鄉師

致民於司馬者據鄉師職知之其司馬用王大常者以
上文大師王親御六軍故司馬用王之大常致衆若王
不親則司馬自用大旗致之及戰巡陳眡事而賞罰注事謂戰功也

音義

眡音視

疏

釋曰

巡陳者司馬當戰對陣之時巡軍陳眡其戰功之事知其有功無功而行賞罰

也若師有功則左執律右秉鉞以先愷樂獻于社注功

勝也律所以聽軍聲鉞所以為將威也先猶道也兵樂

曰愷獻于社獻功于社也司馬法曰得意則愷樂愷歌

示喜也鄭司農云故城濮之戰春秋傳曰振旅愷以入

于晉音義

鉞音越

道音卜

疏

釋曰

云若師有功則左執律右秉鉞以先者謂戰陳知有

勝功訖乃執律者示此律聽軍聲尅勝耳右秉鉞示威也注釋曰云律所以聽軍聲者大帥職云彼初出軍時大帥執聽至此尅勝司馬執之先鄭引城濮之戰者僖二十八年晉文公敗楚於城濮兵入曰振旅整衆而還歌愷樂而入晉彼諸侯法與此天子禮同故引為證也趙商問夏官師有功則獻于社春官大司樂王師大獻則令奏愷樂注云大獻獻捷於祖不達異意鄭荅曰司馬主軍事之功故獻於社大司樂宗伯之屬宗伯主宗廟故獻于祖若然軍有功二處俱獻以其

若師不功則

厭而奉主車注鄭司農云厭謂厭冠喪服也軍敗則以喪禮故秦伯之敗於殽也春秋傳曰秦伯素服郊次鄉師而哭玄謂厭伏冠也奉猶送也送主歸於廟與社音

義

厭於涉反李一音於入反注同

疏

注釋曰春秋秦伯

穀戶交反劉音豪鄉許亮反
年秦師襲鄭之事按彼僖三十年秦晉圍鄭鄭使燭之武說秦伯秦師退使杞子逢孫楊孫戍鄭至僖三十三年秦使孟明視白乙丙西乞術襲鄭將至鄭逢商人弦高將市于周詐之秦師還至穀晉師與姜戎敗之獲三帥因之於晉晉舍三帥還秦伯素服郊次鄉師而哭之是其事也玄謂厭伏冠也者按下曲禮云厭冠不入公門彼差次當總小功之冠以義言之五服之冠皆厭以其喪冠反吉冠吉冠於武上向內縫之喪冠於武下向

上縫之以伏冠在武故得厭伏之名按檀弓注厭冠喪冠其服亦未聞若然先鄭引秦伯素服者彼據在國向外哭此則從外向內不同故云其服未聞

王弼勞士庶

子則相注師敗王親弔士庶子之死者勞其傷者則相

王之禮庶子卿大夫之子從軍者或謂之庶士音義

勞老

報反注同相疏注釋曰按宮伯云掌宮中士庶子注云

息亮反注同

士

適子庶子其支庶與此注云庶子為

卿大夫之子適庶俱兼則經中士為卿大夫士之身與
宮伯注不同者彼宮正掌卿大夫士身宮伯別掌士庶
子士庶子為適子支子明矣此惟一大云弔勞士庶子
不見別有弔勞卿大夫士身故分之鄭望經為注故不
同也若然此注不云士之子者以其卿大夫之適子為
王與后與士同故親弔勞之士之子如衆人不得為王
及后如士故

不弔勞之也

大役與慮事屬其植受其要以待攷而賞

誅注大役築城邑也鄭司農云國有大役大司馬與謀

慮其事也植謂部曲將吏故宋城春秋傳曰華元為植

巡功屬謂聚會之也要者簿書也攷謂考校其功玄謂

慮事者封人也於有役司馬與之植築城槓也屬賦丈

尺與其用人數音義

與慮音預又如字注與謀同屬音燭注同植直吏反注同華戶化反

植音

疏

釋曰此謂築城邑之時封人慮事計功大司馬雖不掌徒役亦得與謀也屬其植者屬謂屬聚

徒役計其人數賦其丈尺以課其功也植者版幹之屬計其人數各使備足也注釋曰先鄭以為與慮事大司

馬與在謀慮其事中後鄭從之增成其義按宣十一年楚令尹蒍艾獵城沂使封人慮事以授司徒注云封人

司徒之屬官是封人慮事司馬與在謀慮中也春秋宋華元者按宣二年左氏傳云宋城華元為植巡功注云

植將主也先鄭云植謂部曲將吏屬謂聚會之後鄭不從以為植築城槓也屬賦丈尺與其用人數者按昭三

十二年晉士彌牟營成周計丈數揣高卑度厚薄伍溝
洫又云以令役於諸侯屬役賦丈又宣十一年計慮用
人功之數以此知屬
謂賦丈尺與人數也大會同則帥士庶子而掌其政令

注帥師以從王疏

注釋曰知帥師以從王者按諸子職云若會同賓客作羣子從注云從從

王是其
事也

若大射則合諸侯之六耦注大射王將祭射于

射宮以選賢也王射三侯以諸侯為六耦疏

釋曰王大射之時有

諸侯來朝在京師者大司馬合之為六耦注釋曰云大
射王將祭射于射宮以選賢也者按禮記射義云古者
天子之制諸侯歲獻貢士於天子天子試之於射宮而
中多者得與於祭大射禮亦射於郊學宮中皆是為祭
選士故云選賢也云王射三侯者司裘云王大射則共
虎侯熊侯豹侯是也此大射是將祭而射故用諸侯為

六耦若賓射射人亦用六耦但不用諸侯當用卿大夫為之燕射三耦自然用卿大夫已下為之 **大祭**

祀饗食羞牲魚授其祭注牲魚魚牲也祭謂尸賓所以

祭也鄭司農云大司馬主進魚牲音義

食音嗣後饗食皆放此

疏

釋曰大祭祀謂天地宗廟此大祭據宗廟而言其中小之祭祀亦為之矣饗食謂諸侯來朝上三公三饗三食之等行之在廟故與大祭祀同皆羞進魚牲注釋曰云祭謂尸賓所以祭也者大祭祀授尸祭饗食授賓祭祭者魚之大齋即少牢下篇云尸俎五魚侑主人皆一魚加臠祭於其上臠謂魚之反覆者公食大夫亦云授賓祭故云祭謂尸賓所以祭若王祭則膳夫云授王祭是也先鄭云大司馬主進魚牲者必使司馬進之者司馬夏官夏陰氣所起魚水物亦 **大喪平士大夫注鄭司農云**陰類故使司馬進之也

平一其服也玄謂平者正其職與其位疏

釋曰必使司馬平之者司

馬之屬有司士主羣吏今王喪不得使司士故司馬平之注釋曰先鄭云平一其服也者後鄭不從者小宗伯己慙哀冠故後鄭以為喪祭奉詔馬牲注王喪之以馬平者正其職與其位也

祭者蓋遣奠也奉猶送也送之至墓告而藏之音義遣

奠

祭戰反後遣奠疏注釋曰鄭知喪祭是大遣奠者以其遣車之類皆同喪奠反虞卒哭喪祭之等無奉送詔告惟有大遣奠入塋之時有奉送之事故知喪祭是大遣奠耳

周禮注疏卷二十九

周禮注疏卷二十九考證

大司馬施貢分職注職謂賦稅也○賦一本作職言因職而有稅也故疏引大宰九職當從之

乃以九畿之籍疏此蠻服與大司徒云要服亦一也○司徒二字疑行人之訛以大司徒無要服之文而大行人有之也

又五千里為界者兩面相距則方萬里此則易之一君二民之地○臣宗楷按易之一君二民之地八字

不可解當作據其一面而言之也而傳寫誤耳

以教坐作進退疏下又云中軍以鼙令鼓○鼙監本訛作舉今考下經正之

遂以苗田疏案田僕云掌佐車之政○監本脫政字今考經文補之

辨旗物之用疏故司馬法云二百里三百里如州長四百里五百里如縣正○監本脫三百里三字補之

遂以獮田如蒐田之灋○石經無下田字

疏以祊乃是廟門外之西○廟門外之西五字監本訛作廟門之外內今考郊特牲注文正之

前期羣吏戒衆庶疏言鄉師以下則不及鄉鄉是鄉大夫則鄉也○鄉是二字疑大夫之訛

中軍以輦令鼓疏哀二年左傳鐵之戰○二訛三今据左傳改正

乃鼓退疏是以左氏哀公艾陵之戰○艾陵之戰監本訛作鐵之戰今考左傳改正

中軍以輦令鼓䟽魏詩云三歲曰特○臣浩按此係毛

傳之文魏詩下當增毛傳二字

大祭祀䟽尸俎五魚侑主人皆一魚○此二句監本訛
作主人主婦尸侑客各一魚今考有司徹經文改正

周禮注疏卷二十九考證

欽定四庫全書

周禮注疏卷三十

漢鄭氏注 唐陸德明音義 賈公彥疏

小司馬之職掌注此下字脫滅札爛文闕漢興求之不

得遂無識其數者疏

注釋曰鄭知脫滅札爛文闕者見天官小宰地官小司徒春官小宗

伯之等職掌下其文多矣凡小祭祀之言皆是於下總結以此知此下脫滅札爛文闕也言脫滅者直據職掌下一經脫滅札爛文闕者以其下經簡札為韋編折爛闕落知漢興求之不得者此闕與冬官所亡同日皆為遭暴秦燔滅典籍漢興購求遺書不得也云遂無凡小識其數者以其無文遂無記識職掌以下之數耳

祭祀會同饗射師田喪紀掌其事如大司馬之灋疏釋

云小祭祀已下至喪紀皆蒙此小字對大司馬大祭祀之等大司馬之小會同謂諸侯使卿大夫來聘王使卿大夫與之會同言饗射師田皆是諸侯卿大夫來聘王還使卿大夫與饗燕及射師田之等也小喪紀者三夫人已下云掌事如大司馬之灋亦如大司馬羞魚牲授其祭之等也

軍司馬

闕

輿司馬

闕

行司馬

闕

疏釋曰軍司馬當宰夫肆師之等皆下大夫四人輿司馬當上士八人行司馬當中士

十六人餘官皆無異稱此獨有之者以軍事是重故特生別名此等皆與上同闕落之

司勲掌六鄉賞地之灋以等其功注賞地賞田也在遠

郊之內屬六鄉焉等猶差也以功大小為差疏

注釋曰知賞地

是賞田在遠郊之內者以載師職云牛田賞田任遠郊之地故知也知屬六鄉者以其遠郊內置六鄉故也云以功大小為差者以下文云輕重視功王功曰勲注輔則賞地大小不定故知以功大小為差

成王業若周公疏

注釋曰知據王業者以其言王繼王身而言明據王之位業而說耳以周

公攝政相幼君致太平還政成王是輔成王業之事故以周公託之但經之所云不得專為周公伊尹之等故

皆云若比

國功曰功注保全國家若伊尹疏

注釋曰鄭知保全國

家者以其言國繼國而言故知是保全國家者也以伊尹比之者以湯時天下太平湯崩孫太甲即位不明政

事伊尹為數篇書以諫之諫既不入乃放之桐宮民功
三年思庸復歸於亳國家得全故以伊尹擬之耳

曰庸注灋施於民若后稷疏

注釋曰知法施於民者以其言民繼民言之先王之

業以農為本以后稷比之者周之先祖棄為堯之稷官
農人植嘉穀天下為烈宣一手一足哉庸亦功也以法

施於民有功故

事功曰勞注以勞定國若禹疏

注釋曰知以勞

定國者以其言勞據勤勞施國而言堯遭洪水下民昏
墊國家不定命禹治之手足胼胝三過門不入弼成五

服國乃獲安故

治功曰力注制灋成治若咎繇音義

直治

吏反注同咎疏

注釋曰以其言治言力故知制灋成治音羔繇音遙出其謀力按虞書帝謂咎繇云蠻夷猾

夏寇賊姦宄汝作士五刑有服是咎繇
制其刑灋國家治理故以咎繇擬之

戰功曰多注尅

敵出奇若韓信陳平司馬法曰上多前虜疏

注釋曰知多是尅敵

出奇者以其言多是於衆之中比較多少之事故知是尅敵出奇比彼為多者也漢之二將是尅敵出奇之人故以擬之耳云司馬法曰上多前虜者彼亦是戰以功多為上居於陳前虜獲俘囚故引以證多為戰功者也此上六者皆對文為義若散文則通是以春秋左氏云舍爵策勲彼戰還而飲至不云舍爵策多是通也明堂位云周公為有勲勞於天下是周公德大有勲兼勞者也

凡有功者銘書於王之大常祭於大烝司勲詔之注銘之言名也生則書於王旌

以識其人與其功也死則於烝先王祭之詔謂告其神以辭也盤庚告其卿大夫曰茲予大享於先王爾祖其

從與享之是也今漢祭功臣於廟庭音義

識音志盤步干反與音預

疏釋曰凡有功謂上六者故云凡以該之使司勳詔之

書之又以辭使春官告神注釋曰言生則書於王旌以

識其功與人與其功也者以王建大常故云王旌必於王旌

人故也引盤庚告其卿大夫者盤庚殷王欲遷往亳殷

臣民有不肖者故告之云我不掩爾善所以者何茲予

大享於先王之時爾祖其從我先王與在享祭之中况爾

見在不掩可知何不從我遷乎引漢法欲見古者祭功

臣在廟庭也必祭功臣臣按彼書注以大享為烝嘗者此舉

物成者衆故祭功臣言其嘗時亦祭之也可同時直於

冬祭物成者衆而言其嘗時亦祭之也可同時直於

烝時祭功臣殷時烝

嘗俱祭禮異故也

大功司勳藏其貳注貳猶副也功

書藏於天府又副於此者以其主賞疏

注釋曰鄭知功書藏於天府者

天府職文也

掌賞地之政令注政令謂役賦疏

注釋曰鄭以政為征征稅

也賞地在六鄉之內亦從溝洫貢天子灋其民亦從鄉之徭役之灋

凡賞無常輕重眊功

注無常者功之大小不可豫疏

注釋曰賞地在遠郊之內有疆界未給者空之

侍有功乃隨功大小給之故云不可豫也

凡頒賞地參之一食注鄭司農云

不以美田為采邑玄謂賞地之稅參分計稅王食其一

也二全入於臣疏

注釋曰先鄭意以參之一食者謂以下地可食三之一似下地再易家得

三頃歲種一頃食之故云不以美田為采邑又以賞田與采邑為一物後鄭不從者不以美田為采邑亦無文

以言之又按載師職家邑任稍地小都任縣地大都任疆地自三百里已外為之其賞田任在遠郊之內何得為一物故鄭不從也後鄭云賞地之稅參分計稅王食其一也二全入於臣者采地之稅四之一與小國入天子同今賞田三之一一分入天子與次國三之一入天子同惟加田無國正注加田

既賞之又加賜以田所以厚恩也鄭司農云正謂稅也

祿田亦有給公家之賦貢若今時侯國有司農少府錢

穀矣獨加賞之田無正耳音義

正音征注同本亦疏釋作征少詩照反

言無國征無稅入天子灋其民出稅入主則有之但加田未知所在或可與賞田同處以其仕田在近郊加田在遠郊可知也注釋曰知加田既賞之又加賜以田者以其文承賞田之下即云加田故知賞田之外所加賜

之田可知先鄭云祿田亦有給公家之賦貢舉漢法侯國有司農少府錢穀者漢法穀入司農錢入少府故舉以為況祿田即采地之稅及賞田之等是也加田是加恩厚又不稅入天子凡大夫士賜地有四種大夫以上有采家邑任稍地之等是也又有賞田及加田載師又有仕田及王制圭田圭田即仕田是有四種禮記王制云大夫士有田則祭無田則薦少牢特牲是大夫有田者是知士亦有田之灋也

馬質掌質馬馬量三物一曰戎馬二曰田馬三曰駕馬皆有物賈注此三馬買以給官府之使無種也鄭司農

曰皆有物賈皆有物色及賈直音義賈音嫁注及下同種章勇反下同

疏釋曰云馬質者質平也主平馬力及毛色與賈直之等注釋曰云此三馬買以給官府之使無種者馬有

六種此三者無種買以給官府餘三者仍有種馬齊馬道馬其齊馬道馬亦無種不買之者其種馬上善似母者其齊馬道馬雖非上善似母網惡馬注鄭司農云網者亦容國家所蕃育不買之也

讀為以亢其讐之亢書亦或為亢亢御也禁也禁去惡

馬不畜也玄謂網以縻索維網狎習之音義亢苦浪反又音剛下

同御魚呂反本亦作禦下同去起疏注釋曰先鄭讀為呂反小子注去之同縻亡皮反

按僖二十八年晉子犯曰背惠食言以亢其讐是也謂禁去惡馬不畜後鄭不從者此馬質所掌皆買之無種

何有惡馬禁去之類故不從也凡受馬於有司者書其齒毛與其賈馬

死則旬之內更旬之外入馬耳以其物更其外否注鄭

司農云更謂償也玄謂旬之內死者償以齒毛與賈受之日淺養之惡也旬之外死入馬耳償以毛色不以齒賈任之過其任也其外否者旬之外踰二十日而死不

任用非用者罪音義

更音庚下及注同任音壬又而鳩反

疏

注釋曰後鄭云旬內

死者償以齒毛與賈受之日淺養之惡也者所受之馬謂給公家之使旬之內雖任之過其任若養之善未能致死以其日少故也若養之惡雖不重任亦能致死云旬之外死入馬耳償以毛色不以齒賈任之過其任也者以其筋力既竭雖善養之任載過多可以致死故云過其任也云其外否者旬之外踰二十日死不任用非用者罪者以其行使二十日以外馬力既竭雖齊其任養之善客得致死故不償鄭見有三等之灋下復云以

任齊其行以意量之以為此解馬及行則以任齊其行注識其所載輕

重及道里齊其勞逸乃復用之音義

又反復扶疏注釋曰鄭知識其所

載輕重及道里者以其經云馬及行明授行者所載若輕重及道里須齊勞逸乃復用之不得并其勞逸也

有馬訟則聽之注訟謂賣買之言相負疏

注釋曰知賣買之言者以

馬質主買馬故知之也

禁原蠶者注原再也天文辰為馬蠶書蠶

為龍精月直大火則浴其種是蠶與馬同氣物莫能兩

大禁再蠶者為傷馬與音義

直音值為傷于偽反疏注釋曰云天辰為馬者

辰則大火房為天駟故云辰為馬云蠶書蠶為龍精月值大火則浴其種者月值大火謂二月則浴其種即內

宰云仲春詔后帥外內命婦始蠶於北郊是也若然祭義云大昕之朝奉種浴於川注云大昕季春朔日之朝是建辰之月又浴之者蓋蠶將生重浴之故彼下文即云桑於公桑之事是也云是蠶與馬同氣者以其俱取大火是同氣也云物莫能兩大者此莊二十二年左傳文按彼陳敬仲奔齊齊侯使敬仲為卿敬仲其少也周史有以周易見陳侯者陳侯使筮之遇觀之否曰是謂觀國之光利用賓於王此其代陳有國乎不在此其在此異國乎下云若在異國必姜姓也姜大岳之後也山岳則配天物莫能兩大陳衰此其昌乎引此者是無並大之義也云禁再蠶者為傷馬與者二者既同氣不可兩大而禁再蠶明恐傷馬無正文故云與以疑之也

量人掌建國之灋以分國為九州營國城郭營后宮量市朝道巷門渠造都邑亦如之注建立也立國有舊灋

式若匠人職云分國定天下之國分也后君也言君容

王與諸侯音義

朝直遙反下及注疏釋曰云掌建國之同國分也扶問反

先知遠近廣長之數故也云以分國為九州者分國謂分諸侯之國為九州假令土廣萬里中國七千七十七十九方千里者四十九其一為畿內其餘四十八州各得方千里者六是為九州也至於中平通夷狄七千中國五千衰世通夷狄五千中國三千計皆可分國為九州州各有疆界故詩云帝命式於九圍是州各有圍限也云營國城郭者即匠人云營國方九里之類也云營后宮者謂若典命注公之宮方九百步天子千二百步之類也云量市朝道巷者謂若匠人云市朝一夫經塗九軌巷及門渠亦有尺數謂若門容二轍三個之等云造都邑亦如之者謂造三等采地亦有城郭宮室市朝之等故云如之但與之制度大小未必身往耳

注釋曰云立國有舊法式若匠人職云者按匠人有營國方九里夏后氏世室及左祖右社面朝後市市朝一夫之等云分國定天下之國分也者以經云分國謂為諸侯國諸侯國有五百里四百里以下言為州謂九州有分界也云后君也知非王后之宮者以其不得先言后故以后為君也云言君容王與諸侯者以其言分國是諸侯若云王即不容諸侯故變營軍之壘舍量其市王云后欲容王與諸侯兩含故也

朝州涂軍社之所里注軍壁曰壘鄭司農云量其市朝州涂還市朝而為道也玄謂州一州之衆二千五百人

為師每師一處市也朝也州也皆有道以相之軍社社

主在軍者里居也音義

涂本又作塗還市疏釋曰此為如字劉戶串反出軍之時

所營量度之事注釋曰云軍壁曰壘者軍行之所擬停之處皆為壘壁恐有非常故云軍壁曰壘也先鄭云量其市朝州塗還市朝而為道也者先鄭意還市朝而為道不釋州義故後鄭不從以一州則一師每一師各自一處各立市朝州即師也師皆有道以相湊之若然未必環遠為路也云軍社社主在軍者里居也者在軍不用命戮於社故將社之石主而邦國之地與天下之涂行所居皆有步數故職在量人數皆書而藏之注書地謂方園山川之廣狹書涂謂支

湊之遠近音義

湊七疏注釋曰鄭以地中有平廣兼山豆反

之廣狹也云書涂謂支湊之遠近者支謂支凡祭祀饗分湊謂臻湊道塗有支分及相臻湊遠近也

賓制其從獻脯燔之數量注鄭司農云從獻者肉殽從

酒也玄謂燔從於獻酒之肉炙也數多少也量長短也

音義

炎章疏釋曰云凡者以其天地宗廟饗食事廣故夜反疏云凡以該之饗賓謂若大行人上公三饗

九獻之等饗賓獻有脯從若燕禮獻賓薦脯醢是也祭禮獻以燔從故總言之也注釋曰先鄭云從獻者肉殽從酒也後鄭不從者以肉殽從酒禮所不言按特牲少牢云主人獻尸以肝從主婦獻尸以燔從故後鄭據此以為從獻以燔詩云載燔載烈毛云傳火曰燔貫之加於火曰烈燔雖不貫亦是炙肉故鄭云肉炙也云數多少也量長短也者按儀禮脯十脰各長尺二寸是少長短燔之數量未聞

掌喪祭奠竊之

俎實注竊亦有俎實謂所苞遣奠士喪禮下篇曰藏苞

筭於旁音義

竊昌銳反疏釋曰諸於喪祭多據虞祭而筭所交反疏言此喪祭文連奠竊竊是壙

內故鄭以喪祭為大遣奠解之是以大司馬喪祭亦為遣奠也注釋曰案冢人云請度用窆窆穿壙之名此言奠窆則奠入於壙是以云所包遣奠也引士喪禮下篇者即既夕禮是也云藏苞筭於旁者苞謂苞牲取下體並藏之於棺旁引之者證喪祭奠入壙之事也凡宰祭

與鬱人受罍歷而皆飲之注言宰祭者冢宰佐王祭亦

容攝祭鄭司農云罍讀如嫁娶之嫁罍器名明堂位曰

爵夏后氏以琖殷以罍周以爵玄謂罍讀如嘏尸之嘏

宰冢宰音義

罍古雅反劉依同農音嫁琖側疏釋曰云產反劉本作湔音同嘏古雅反凡宰祭

者冢宰攝祭非一故云凡也注釋曰鄭云冢宰佐王祭亦容攝祭者義得兩含按大宗伯云若王不與祭祀則

攝位注云王有故代行其祭事重掌者此據宗伯亦有故則冢宰攝之先鄭云罍讀如嫁娶之嫁直取音同引明堂位者證罍是器名周獻用玉爵無用罍故後鄭云罍讀如蝦尸之蝦讀從少牢尸蝦主人郊特牲云蝦者長也大也謂使主人受長大之福疏已具於鬱人職但此有歷字者謂鬱人與量人歷皆飲之也

小子掌祭祀羞羊肆羊彘肉豆注鄭司農云羞進也羊

肆體薦全烝也羊彘體解節折也肉豆者切肉也玄謂

肆讀為髣羊髣者所謂豚解也音義

肆依注音髣他歷反一音餘四反折

之設疏注釋曰先鄭云羊肆體薦全烝也者既不為豚反疏解則先鄭讀為肆陳之肆又為賜音也先鄭為體薦全烝後鄭不從者以此經祭用羊是用大牢為宗廟之祭非祭天按外傳云禘郊之事則有全烝王公立

飫則有房俎是以知宗廟之祭不得全烝也是故禮運云腥其俎孰其醑注云腥其俎豚解而腥之孰其醑體解而燂之又云退而合亨體其犬豕牛羊是祭宗廟不得有全烝也是以後鄭讀肆從髣羊髣者所謂豚解也所謂者所謂士虞禮記云主人不視豚解豚解之濫則士喪禮持豚四髣去蹄謂四段解之殊肩髣如解豚故名豚解若然大夫士祭自饋孰始故正祭即體解為二十一體喪事略則有豚解其天子諸侯之祭有腥有燂有孰故初朝踐有豚解而腥之饋獻則有體而燂之醑尸乃有孰與大夫士不同也而掌珥于

社稷祈于五祀注故書祀作禋鄭司農云禋讀為祀書亦或為祀珥社稷以牲頭祭也玄謂珥讀為珥祈或為剗剗珥者繫禮之事也用毛牲曰剗羽牲曰珥剗剗社

稷五祀謂始成其宮兆時也春官肆師職祈或作畿秋

官士師職曰凡刳𧈧則奉犬牲此刳𧈧正字與音義依

注音𧈧而志反後同一音仍祈音機禋音祀刳音機疏

字書云劃也一曰斷也或古愛反又公內反與音餘

注釋曰先鄭云珥以牲頭祭漢時祈禱有牲頭祭後鄭

不從者按禮記雜記釁廟之禮云門夾室用雞其珥皆

於屋下珥既為釁禮此刳與珥連文則刳亦是釁禮非

祭祀之灋何得為牲頭祭乎是以後鄭為釁灋解之玄

謂珥讀為珥祈或為刳者以釁灋無取於玉珥及祈禱

之義故依士師刳珥為正也鄭知刳珥為釁禮之事約

雜記而知也云用毛牲曰刳羽牲曰珥者此相對而言

雜記廟用羊門用雞皆云珥散文通也知刳珥是社稷

五祀始成其宮兆時也者凡物須釁者皆謂始成時是

以雜記云廟成則釁之是也云春官肆師職祈或作畿

者鄭欲見字有參差非一之義云秋官士師職曰凡創
鉅則奉犬牲此創鉅正字與者創從刃鉅從血於義合
故以此為凡沈辜侯禋飾其牲注鄭司農云沈謂祭川
正字也

爾雅曰祭川曰浮沈辜謂磔牲以祭也月令曰九門磔

禋以畢春氣侯禋者侯四時惡氣禋去之也音義禋如

羊反

磔陟疏注釋曰先鄭云沈謂祭川是以引爾雅為證案

格反爾雅曰祭山曰廋縣祭川曰浮沈此浮沈之祭

當祭天之煙祭社之血亦謂歆神節先鄭引月令季春

令者證辜是辜磔牲體之義鄭彼注九門者王之五門

外有國門近郊門遠郊門闕門為九云釁邦器及軍器

注邦器謂禮樂之器及祭器之屬雜記曰凡宗廟之器

其名者成則釁之以𦔓豚音義

家𦔓音

疏

注釋曰鄭以軍器別言即云邦

器者是禮樂之器也鄭云禮器者即射器之等樂器即鐘鼓之等祭器即籩豆俎簋尊彝器皆是引雜記宗廟此等所釁亦用𦔓豚也凡師田斬牲以左右徇陳注示

犯誓必殺之音義

徇辭疏釋曰此即上文誓衆之時斬俊反

祭祀贊羞受徹焉疏

釋曰贊羞謂若上文大司馬職云祭祀羞魚牲之等此官即贊之云

受徹焉者謂祭畢諸宰君婦廢徹之時則此官受之

羊人掌羊牲凡祭祀飾羔注羔小羊也詩曰四之日其

蚤獻羔祭韭疏

釋曰凡正祭皆用成牲今言祭祀飾羔則非正祭用羔是以鄭引詩為證云四

之日者謂用建子為正至建卯四月夏之二月之日公始用冰欲開冰之時先獻羔祭韭而啓冰室乃出冰也

祭祀割羊牲登其首注登升也升首報陽也升首於室

疏

注釋曰知升首於室者見郊特牲云用牲於庭升首於室注云制祭之後升牲首於北墻下云報陽者首

為陽對足為陰祭祀之時三牲之首俱升此特言羊者以其羊人所升不升餘牲故言羊也凡祈珥

共其羊牲注共猶給也疏

釋曰犬人共犬此云共羊或羊或犬俱得為釁故兩職各

共之賓客共其灋羊注灋羊食饗積膳之羊音義音義食饗

本又作疏

注釋曰鄭知灋羊是為此等者以其言灋即

致於賓館有上公飡五牢饗餼九牢及殷膳大牢致於道路有五積之等其饗食及燕速賓自饌陳者不言之

也凡沈辜侯禋釁積共其羊牲注積故書為眡鄭司農

云眡讀為漬謂釁國寶漬軍器也玄謂積積柴裡祀禘

燎實柴音義

眡徐賜反與漬同
羊久反燎良召反

疏

注釋曰先鄭不從
故書眡故讀從水

漬後鄭不從漬軍器者以此羊人所共異小子職彼云

釁邦器及軍器以此知不得為漬軍器也後鄭云積積

柴裡祀禘燎實柴歷言此三者以互而相通皆須積柴

實牲幣煙氣上聞故也但祭天用犢其日月已下有

羊者故我將詩云維羊維牛維天其
祐之彼亦據日月以下及配食者也

若牧人無牲則受

布於司馬使其賈買牲而共之疏布泉音義

賈音古

司燿掌行火之政令四時變國火以救時疾注行猶用

也變猶易也鄭司農說以鄒子曰春取榆柳之火夏取

棗杏之火季夏取桑柘之火秋取柞櫟之火冬取槐檀

之火音義

柞子洛反音由

疏

釋曰云掌行火之政令者即四時變國火及季春出

火等皆是也云四時變國火以救時疾者火雖是一四時以木為變所以禳去時氣之疾也注釋曰先鄭引鄒

子書論語注引周書不同者鄒子書出於周書其義是一故各引其一言春取榆柳之等舊師皆以為取五方

之色同故用之今按棗杏雖赤榆柳不青槐檀不黑其義未聞季春出火民咸從之季

秋內火民亦如之注火所以用陶冶民隨國而為之鄭

人鑄刑書火星未出而出火後有災鄭司農云以三月

本時昏心星見於辰上使民出火九月本黃昏心星伏

在戌上使民內火故春秋傳曰以出內火音義

見賢疏

注釋曰鄭知出火內火據陶冶火者以其上經四時變
國火據食火明此春秋據陶冶故引春秋傳為證也云
民隨國而為之者釋民咸從之義云鄭人已下按左氏
昭六年三月鄭人鑄刑書士文伯曰火見鄭其災乎火
未出而作火六月丙戌鄭災是其後有災昭十七年梓
慎曰火出於夏為三月於商為四月於周為五月夏數
得天正先鄭云三月本時昏心星見於辰上使民出火
九月本黃昏心星伏在戌上使民內火者心星則大火
辰星是也三月諸星復在本位心星本位在卯三月本
之昏心星始時未必出見卯南九月本始之黃昏心星
亦未必伏在戌上皆據月半後而言云春時則施火令
秋傳曰以出內火者左氏傳襄公九年文

注焚萊之時疏

注釋曰上言行火政此又言施火令則不掌火禁故鄭云焚萊之時其火禁者

則宮正云春秋以木鐸修火禁注云火星以春出以秋入因天時而以戒司烜亦云仲春以木鐸修火禁於國

中彼二官直掌凡祭祀則祭燿注報其為明之功禮如

祭饗疏

注釋曰鄭云禮如祭饗者祭饗祭老婦也則此祭燿謂祭先出火之人

凡國失火

野焚萊則有刑罰焉注野焚萊民擅放火疏

注釋曰國失火謂在

國中民失火有罰若令民失火有杖罰野焚萊有罰者大司馬仲春田獵云火弊鄭云春田主用火因除陳生

新則二月後擅放火則有罰也

掌固掌脩城郭溝池樹渠之固頒其士庶子及其衆庶

之守注樹謂枳棘之屬有刺者也衆庶民遞守固者也
鄭司農說樹以國語曰城守之木於是乎用之音義諸
氏反刺七賜反遞劉疏釋曰云掌修城郭溝池者謂環
待禮反又待計反城及郭皆有溝池云樹渠者非
直溝池有樹魚其餘渠上亦有樹也云之固者總城郭
已下數事皆是牢固之事也云頌其士庶子者即宮伯
所云士謂卿大夫士之適子庶子其支庶彼據宿衛王
宮此掌固所頒亦據宿衛王宮而言以其庶子不合城
郭之處用之以掌固是固守之官故兼掌宿衛之事也
注釋曰云衆庶民遞守固者也者謂使守城郭之所及
要害之處也先鄭引國語者按楚語云靈王為章華之
臺伍舉諫為臺榭云瘠磽之地於是乎為之城守之木
於是乎用之是其事設其飾器疏兵甲之屬今城郭門
引之者證城有守濫設其飾器疏兵甲之屬今城郭門

之器亦然疏

注釋曰鄭知經飾器是兵甲之屬者以其

掌器是防禦之器故知是兵甲之屬也云

今城郭門之器亦然者漢時城郭門守器所飾亦若今城郭門傍所執矛戟皆有幡飾之等是也

分其

財用均其稍食注財用國以財所給守吏之用也稍食

祿廩疏

注釋曰云財用者謂所用之財物分與之明是以財所給守吏為守事之用者也云稍食祿廩

者所守之處官及民合受官食月祿廩者所守之處按月給米廩與之故謂之稍食也任其萬民

用其材器注任謂以其任使之也民之材器其所用塹

築及為藩落皆義

塹七疏

注釋曰云民之材器其所用豔反疏塹築及為藩落者對上文財

用謂官之財物此云民之材器明材是材木用為楨幹以掘塹築作所用及不築處即用材為藩屏籬落以遮

障也凡守者受廩焉以通守政有移甲與其役財用唯是

得通與國有司帥之以贊其不足者注凡守者士庶子

及他要害之守吏通守政者兵甲役財難易多少轉移

相給也其他非是不得妄離部署國有司掌固也其移

之者又與掌固帥致之贊佐也音義

凡守者劉收又反注凡守者下有守

同易以豉反疏

注釋曰云凡守者士庶子及他要害之

離力智反疏守吏者此鄭還據上文士庶子及衆庶

之守而言云他要害者謂城郭所守是其常處除此有

要害之處若殷皐河漢要路之所皆為他要害也云通

守政者兵甲役財難易多少轉移相給者鄭據上文飾

器而言變材器言役材者欲見材器是民役之材非財

用也云其他非是不得妄離部署者此則釋經惟是書
得通之言其餘非所通之外皆不得離其本處也

三巡之夜亦如之注巡行也行守者為衆庶之解隋音

義

行下孟反下皆同為
于偽反解佳賣反

疏

釋曰此乃掌固設灋與所守
之處非是掌固自巡行之也

夜三鑿以號戒注杜子春云讀鑿為造次之造謂擊鼓

行夜戒守也春秋傳所謂賓將趣者與趣與造音相近

故曰終夕與燎玄謂鑿擊鑿警守鼓也三巡之間又三

擊鑿音義

鑿音咸造七報反下同趣莊久反劉祖侯反
杜七柱反者與音餘近附近之近與燎音預

疏

釋曰此乃掌固設灋與所守之處言以號戒者使擊
鑿者所以號呼使戒守耳注釋曰引春秋者按昭二

十年衛侯如死鳥齊侯使公孫青聘衛賓將振注謂行夜不作趣者彼賈服讀字與子春意異云故曰終夕與燎者亦是彼傳文後鄭以鑿擊鑿警守鼓不從子春造音者以子春已上有注鑿讀為憂戚之戚是戒守者使有憂戚故謂此鼓為鑿也若造都邑則治其固與其守灋注都邑亦

為城郭疏

注釋曰謂三等采地言亦為城郭者但戒守為城郭而言故亦如上王國然也

凡國

都之竟有溝樹之固郊亦如之注竟界也音義

竟音境注及下

同疏

釋曰此經為上經而設仍兼見王國而言故國都雙言之言王國及三等都邑所在境界之上亦為

溝樹以為阻固郊亦如之若據王國有民皆有職焉注職謂

守與任疏釋曰此亦兼上王國及都合守之處其民皆職任使勞逸遞守也

若有山川

則因之注山川若穀臯河漢疏

釋曰謂上諸有所造溝樹為固之處值有山川

之處則因之不須別造注釋曰穀謂若穀有二陵臯謂若東城臯漢謂若楚謂齊云楚國漢水以為池河為四瀆之險又齊西有濁河皆因之為固可知

司險掌九州之圖以周知其山林川澤之阻而達其道

路注周猶徧也達道路者山林之阻則開鑿之川澤之

阻則橋梁之音義

徧音

疏釋曰序官注國曰固野曰險是掌固掌在國城郭則司險

掌畿外阻固故云司險也注釋曰云山林之阻則開鑿之者謂若禹鑿龍門之類川澤之阻則橋梁之者謂若十月與梁成之類是也設國之五溝五涂而樹之林以為阻固皆

有守禁而達其道路注五溝遂溝洫澮川也五涂徑畛

涂道路也樹之林作藩落也音義

洫汎域反澮古疏釋外反畛之恐反

此五溝五涂而言樹之林以為阻固皆有守禁則非遂人田間五溝五塗但溝塗所作隨所須大小而為之皆準約田間五溝五塗其溝上亦皆有道路以相支湊故以五溝五塗而言之也注釋曰遂溝至道路皆遂人文故遂人云夫間有遂遂上有徑十夫有溝溝上有畛百夫有洫洫上有塗千夫有澮澮上有道萬夫有川川上有路國有故則藩塞阻路而止行者以其屬守之唯有

節者達之注有故喪災及兵也閉絕要害之道備姦寇

也疏釋曰國有故之時恐有姦寇故藩塞阻路而止行者云以其屬守之者謂使司險之下胥徒四十人

之屬守其要者其餘使其地之民為守也云有節者達之者節謂道路用旌節也注釋曰鄭知有故是喪災及兵者喪謂王喪災謂水火兵謂寇戎之等有故使守慎惟此而已故以此三事解之

掌疆

闕

候人各掌其方之道治與其禁令以設候人注道治治道也國語曰候不在竟譏不居其方也禁令備姦寇也

以設候人者選士卒以為之詩云彼候人兮何戈與祿

音義

治直吏反注道治及下方治同何胡疏釋曰言各我反又音河祿都外反劉睹律反掌其方之

道治與其禁令以設候人者以其上士六人下士十有二人徒百有二十人以道路多故設官及徒亦多也引

國語者按周語定王使單襄公聘于宋遂假道于陳以聘於楚時候不在境司空不視塗膳宰不致饋司里不授館單子歸以告王曰陳侯不有大咎國必亡言讖者正謂陳侯不有大咎國必亡者也詩云彼候人兮荷戈與殺者荷揭也殺謂弑也引此二者證候人在道之事鄭言候人者選士卒以為之者即徒百二十人皆是甲士與步卒之內為之也若有方治則帥而致于朝及歸送之于竟

注方治其方來治國事者也春秋傳曰晉欒盈過周王

使候人出諸轅轅是其送之音義

朝直遙反疏注釋曰轅戶闕反方治其

方來治國事者也者謂國有事不能自決當決於王國或有國事須報在上皆是也引春秋者按襄二十一年晉欒盈出奔楚過周周西鄙掠之辭於行人曰天子陪臣盈得罪於王之守臣將逃罪罪重於郊甸無所伏竄

敢布其死昔陪臣書能輸力於王室若不棄書之力亡臣猶有所逃若棄書之力將歸死於尉氏惟大君命焉王使司徒禁掠樂氏者歸所取焉使候出諸輶轅彼云候鄭君以義言之故言候人也

環人掌致師注致師者致其必戰之志古者將戰先使勇力之士犯敵焉春秋傳曰楚許伯御樂伯攝叔為右以致晉師許伯曰吾聞致師者御靡旌摩壘而還樂伯曰吾聞致師者左射以蔽代御執轡御下捫馬掉鞅而還攝叔曰吾聞致師者右入壘折馘執俘而還皆行其所聞而復之音義最側留反劉子侯反捫音兩又音亮掉徒吊反又奴孝反鞅於兩反折之

設反下同讖古疏注釋曰云古者將戰先使勇力之士獲反俘音字犯敵焉者按文十二年秦伯伐晉秦

人欲戰秦伯謂士會曰若何而戰對曰若使輕者肆焉其可注云肆突言使輕銳之兵往驅突晉軍隱九年北

戎侵鄭公子突曰使勇而無剛者嘗寇而速去之注云勇則能往無剛不恥退云春秋傳者宣十二年左氏傳

晉楚交戰楚許伯御樂伯已下謂凡平兵車之法射者在左御者在中戈盾在右蔽天之善者柄猶飾也掉猶

正也言折讖執俘者死者取左耳曰讖生者曰俘執取之云皆行其所聞而復之者去時作言及至晉師皆行

其所聞之事而復反此亦勇而無察軍隱注隱陰姦也剛之人引之者證致師之事也

視軍中有為隱者則執之音義隱他疏釋曰按莊二十得反疏五年左氏傳云

惟正月朔慝未作彼以慝為陰氣則此慝亦是陰姦環也欲陰私為姦取此軍之事往彼言之故察而執之環

四方之故注卻其以事謀來侵伐者所謂折衝禦侮疏

注釋曰此則訓環為卻卻其以事謀來侵伐此國者也云所謂折衝禦侮者謂彼國來衝能折服之彼國來輕

侮能禦之故云巡邦國搏謀賊注謀賊反間為國賊音折衝禦侮也

義搏音博又房布反劉音疏注釋曰云巡邦國者謂巡付謀音牒間間廁之間諸侯邦國之內有謀賊搏

捉取之言謀賊者謂間伺反於彼言之也此謀賊即上軍慝之言反間者謂間伺反於彼言之也此謀賊即上軍慝之

類彼據王國此據訟敵國注敵國兵來則往與之訟曲邦國故異言之

直若齊國佐如師疏注釋曰云若齊國佐者成公二年晉伐齊晉師至表婁齊侯使國佐

致賂晉人不可曰必以蕭同叔子為質而使齊之封內盡東其畝對曰蕭同叔子非他寡君之母也若以匹敵

則亦晉君之母也。今吾子布大命於諸侯，而曰必質其母，以為信。其若王命何？又曰：先王疆理天下，物土之宜，而布其利。下云：今吾子疆理諸侯，而曰盡東其畝而已。惟吾子戎車是利，無顧土宜，其無乃非先王之命也乎？晉於是退師，是訟敵也。揚軍旅，注為之威武，以觀敵。詩云：

維師尚父，時維鷹揚。疏

注釋曰：引詩者大雅文王詩言太公為太師，可尚。可父，武王伐

紂之時，太公奮其威武，惟如鷹之揚擊，是揚威武，故引為證也。

降園邑。注：園邑，欲降者

受而降之。春秋傳曰：齊人降鄆。音義

降，戶江反。注同。鄆，音章。劉諸讓反。

疏。注釋曰：按公羊傳，莊公三十年秋七月，齊人降鄆。鄆者，何紀人之遺邑也。是紀入齊之時，不俱至，後乃降。

引之證降是園邑之事也。

挈壺氏掌挈壺以令軍井挈轡以令舍挈畚以令糧注
鄭司農云挈壺以令軍井謂為軍穿井井成挈壺縣其
上令軍中士衆皆望見知此下有井壺所以盛飲故以
壺表井挈轡以令舍亦縣轡于所當舍止之處使軍望
見知當舍止于此轡所以駕舍故以轡表舍挈畚以令
糧亦縣畚于所當稟假之處令軍望見知當稟假于此
下也畚所以盛糧之器故以畚表稟軍中人多車騎雜
會謹囂號令不能相聞故各以其物為表省煩趨疾于

事便也音義

音本為于偽反下為沃同縣音懸下皆同令力呈反盛音成下同稟彼錦反劉力

鳩反謹呼端反囂五高反一音許驕反省所景反便婢面反

疏釋曰皆云挈者謂結之於竿首挈挈然故

云挈也先鄭注具不復疏之也

凡軍事縣壺以序聚櫟凡喪縣壺以代

哭者皆以水火守之分以日夜注鄭司農云縣壺以為

漏以序聚櫟以次更聚擊櫟備守也立謂擊櫟兩木相

敲行夜時也代亦更也禮未大歛代哭以水守壺者為

沃漏也以火守壺者夜則火視刻數也分以日夜者異

晝夜漏也漏之箭晝夜共百刻冬夏之間有長短焉大

史立成瀝有四十八箭音義

標音託更音庚下同敲苦交反又苦教反行下孟反

共如疏

注釋曰先鄭云懸壺以為漏者謂懸壺於上以水沃之水漏下入器中以沒刻為准瀝云以序

聚標以次更聚擊標備守也者先鄭意持更人擊標玄謂擊標兩木相敲行夜時也者謂行夜者擊之按修閭氏掌比國中宿互標者先鄭云標謂行夜擊標野廬氏云若有賓客則令守塗地之人聚標之司農云聚標之聚擊標以宿衛之也彼二注後鄭皆從先鄭及至此注不從先鄭者以野廬氏無行夜者宿人自擊故後鄭從之此文與修閭氏同有行夜者故此不從先鄭宿者自擊之是以宮正云夕擊標而比之注云行夜以比直宿者先鄭云標戒守者所擊也是亦為行夜者所擊也云代亦更也禮未大飲代哭者未殯已前無問尊卑皆哭不絕聲大飲之後乃更代而哭亦使哭不絕聲大夫以官士親疏代哭人君尊又以壺為漏分更相代云分以

日夜異晝夜漏也者若冬至則晝短夜長夏至則晝長夜短二分則晝夜等晝夜長短不同須分之故云異晝夜漏也云漏之箭晝夜共百刻冬夏之間有長短焉者馬氏云漏凡百刻春秋分晝夜各五十刻冬至晝則四十刻夜則六十刻夏至晝六十刻夜四十刻鄭注堯典云日中者日見之漏與不見者齊日長者日見之漏五十五刻於四時最長也夜中者日不見之漏與見者齊日短者日見之漏四十五刻於四時最短此與馬義異以其馬云春秋分晝夜五十刻據日見之漏若兼日未見日沒後五刻晝五十五刻夜四十五刻若夏至晝六十刻通日未見日沒後五刻則晝六十五刻夜三十五刻一年通閏有三百六十五日四分日之一四時之間九日有餘校一刻為率云大史立成灋有四十八箭者此據漢法而言則以器盛四十八箭箭各百刻以壺盛水懸於箭上節而下之水淹一刻則為及冬則以火一刻四十八箭者蓋取倍二十四氣也

鑿鼎水而沸之而沃之注鄭司農云冬水凍漏不下故

以火炊水沸以沃之謂沃漏也音義

豐七疏注釋曰沃端反如沃尸盥

之沃謂沸水稍熱澆沃壺中使下也

射人掌國之三公孤卿大夫之位三公北面孤東面卿

大夫西面其摯三公執璧孤執皮帛卿執羔大夫鴈注

位將射始入見君之位不言士者此與諸侯之賓射士

不與也燕禮曰公升即位于席西鄉小臣納卿大夫卿

大夫皆入門右北面東上士立於西方東面北上大射

亦云則凡朝燕及射臣見于君之禮同音義

見君賢通反下同不

與音預鄉許亮反朝直

疏

釋曰三公特北面者君南面答陽臣之北面答君三公臣

中至尊故屈之使北面答君之義孤東面者西方者賓位以孤無職尊而賓客之故在西也卿大夫西面者以其皆有職故在東在東近君居主位也注釋曰知位是將射始入見君之位者此射人唯論射事大射諸侯禮亦然故知將射見君始入見君之位也云不言士此與諸侯之賓射士不與也者無臣祭無所擇不得自大射得與君大射故司裘職大射不言士也按下文士豨侯二正則士得自行賓射不得與君賓射矣引燕禮者欲見天子諸侯朝燕射三者位同之義云凡朝燕及射臣見於君之禮同者以儀禮內諸侯有燕朝及射朝不見正朝周禮內天子有射朝與正朝不見燕朝諸侯射朝與燕朝位同則天子燕朝亦與射朝位同則諸侯正朝

亦與射朝位同是天子諸侯三朝各自同
故鄭引儀禮見天子諸侯互見為義耳 諸侯在朝則

皆北面詔相其灋注謂諸侯來朝而未歸王與之射於

朝者皆北面從三公位灋其禮儀音義相息亮反下疏

及相孤同

疏

釋曰按司几筵云凡封國命諸侯大饗射王立宸前南鄉司服云享先公饗射則驚冕鄭注云饗射饗食賓客與諸侯射也此云王與之射言在朝當皮弁又何得有宸所以然者彼二者據大射在學故有著冕在宸之事此賓射在路門之外朝故與彼異也注釋曰云從三公位者諸侯南面之尊故屈之從三公位也云灋其禮儀者謂在朝進退周旋拱揖之儀也

若有國事則掌其戒令詔相其事注

謂王有祭祀之事諸侯當助其薦獻者也戒令告以齊

與期音義

齊側皆反疏

注釋曰知國事是王有祭祀之事者以其諸侯來朝未歸而有戒令詔相

之事大宗伯祭事皆云詔相故知是祭祀之事云戒令告以齊與期者齊謂散齊期謂祭日也

掌其治

達注謂諸侯因與王射及助祭而有所治受而達之於

王王有命又受而下之音義

治直吏反疏注釋曰如鄭注意則治達之中非直

諸侯有治於王王之有治亦下達於諸侯也

以射灋治射儀王以六耦射三

侯三獲三容樂以騶虞九節五正諸侯以四耦射二侯

二獲二容樂以貍首七節三正孤卿大夫以三耦射一

侯一獲一容樂以采蘋五節二正士以三耦射豳侯一

獲一容樂以采繁五節二正注射灋王射之禮治射儀
謂肆之也鄭司農云三侯虎熊豹也容者乏也待獲者
所蔽也九節析羽九重設於長杠也正所射也詩云終
日射侯不出正兮二侯熊豹也豸侯豸者獸名也獸有
羆豸熊虎玄謂三侯者五正三正二正之侯也二侯者
三正二正之侯也一侯者二正而已此皆與賓射於朝
之禮也考工梓人職曰張五采之侯則遠國屬遠國謂
諸侯來朝者也五采之侯即五正之侯也正之言正也

射者內志正則能中焉畫五正之侯中朱次白次蒼次黃玄居外三正損玄黃二正去白蒼而畫以朱綠其外之廣皆居侯中參分之一中二尺今儒家云四尺曰正二尺曰鵠鵠乃用皮其大如正此說失之矣大射禮豻作干讀如宜豻宜獄之豻豻胡犬也士與士射則以豻皮飾侯下大夫也大夫以上與賓射飾侯以雲氣用采各如其正九節七節五節者奏樂以為射節之差言節者容侯道之數也樂記曰明乎其節之志不失其事則

功成而德行立音義

射三侯食亦反下及注射侯所射

反五正音征下及注同

射牲射豕皆同三獲如字劉胡伯

餘二反一音四九重直龍反杠音江軀初誅反下同言

正音政下志正大射正同能中丁仲反下文注射中

侯同去白起呂反下去卦同廣古曠反鵠古毒反下大

夫戶嫁反下天子同以上時掌疏朝之儀言射灋王射

反下上曰以上同行下孟反疏朝之儀言射灋王射

之禮者此經兼有諸侯臣各在家與賓客射灋各自有

官掌之射人但作灋與之耳首云射灋者是射人所掌

王射之禮言王射以別諸侯已下之射也云治射儀謂

肆之也者言治則非是王射之語謂若大宗伯云治其

大禮皆是習禮灋故鄭云肆之肆則習也先鄭云三侯

虎熊豹後鄭不從云容者乏也者此言容儀禮大射鄉

射之等云乏故云容者乏也言容者據唱獲者容身於

其中據人而言云乏者矢至此乏極不過據矢而說也

云九節析羽九重設於長杠即者若是析羽九重設於長杠即是獲旌當與三獲三容相依何得輒在騶虞之下既在騶虞詩下明是歌之樂節故後鄭不從也云二侯熊豹也者後鄭亦不從也云豻侯豻者獸名也獸有豻豻熊虎者此皆獸類故舉言之也玄謂三侯者五正三正二正之侯也者大射賓射侯數同皆約大射云大侯九十豻侯七十豻侯五十而云二侯者三正二正之侯也者謂七十五十弓者也云一侯者二正而已者據大夫士同一侯二正五十弓而已云此皆與賓射於朝之禮也者按鄉射記云於境則虎中龍彊謂諸侯賓射之禮彼又云唯君有射國中其餘臣則否注云臣不習武事於君側則臣皆不得在國射若然在朝賓射唯有天子而云此皆與賓射於朝之禮者謂諸侯已下賓射在已朝不謂於天子朝行此賓射之禮也云考工梓人職曰張五采之侯則遠國屬已下至五正之侯也引之者破先鄭以此五正之侯為虎熊豹但梓人有三等

侯云張皮侯而棲鵠及司裘云虎侯熊侯豹侯皆大射之侯也梓人又云張五采之侯則遠國屬及此五正之等皆賓射之侯也梓人又云張獸侯則王以息燕及鄉射記云天子熊侯白質之等皆燕射之侯也三射各有其侯而先鄭以皮侯釋正侯非也云正之言正也射者內志正則能中焉者此意取義於射義司裘注更有一釋正為鳥名解之也云畫五正之侯中朱已下皆以相尅為次向南為首故先畫朱和三正去玄黃二正朱綠者皆依聘禮記纁藉而言三采者朱白蒼二采者朱綠也云其外之廣皆居侯中參分之一者此亦約梓人云參分其廣而鵠居一焉彼據大射之侯若賓射之侯亦當參分其廣正居一焉九十步者侯中丈八尺七十步者侯中大四尺五十步者侯中一丈也云今儒家云四尺曰正二尺曰鵠鵠乃用皮其大如正此說失之矣者賓射射正大射射鵠儒家以正鵠為一解故鄭破之云鵠乃用皮其大如正不得為一故云此說失之矣云大

射禮射作干者見大射經作干侯彼注亦破從射云讀如宜射宜獄之射者此讀與彼音同云射胡犬也者謂胡地之野犬云士與士射則以射皮飾侯下大夫也大夫以上與賓射飾侯以雲氣知義如此者此賓射正用二采而言射侯明於兩畔以射皮飾之故得射侯之名知大夫已上用雲氣者鄉射記云凡畫者丹質注云賓射之侯燕射之侯皆畫雲氣於側以為飾必先以丹采其地是賓射大夫已上皆畫雲氣其大射之侯兩畔飾以皮故鄭直言賓射燕射云用采各如其正者其側之飾采之數各如正之多少也云九節七節五節者秦樂以為射節之差者九節者五節先以聽七節者三節先以聽五節者一節先以聽尊者先聽多卑者少為差皆留四節以乘矢拾發云言節者容侯道之數者謂若九節者侯道九十弓七節者侯道七十弓五節者侯道五十弓也云樂記曰明乎其節之志不失其事則功成德行立者證侯道遠近亦為節也此射義文云樂記者誤

也若王大射則以狸步張三侯注鄭司農云狸步謂一舉足為一步於今為半步玄謂狸善搏者也行則止而擬度焉其發必獲是以量侯道濶之也侯道者各以弓為度九節者九十弓七節者七十弓五節者五十弓弓之下制長六尺大射禮曰大侯九十參七十干五十是也三侯者司表所共虎侯熊侯豹侯也列國之君大射亦張三侯數與天子同大侯熊侯也參讀為糝糝雜也雜者豹鵠而麋飾下天子大夫音義

搏音博劉音付擬本又作擬同度待

洛反參讀為糝素感疏注釋曰此射人主賓射兼主大
反干與豸同五旦反射之事故為大射張侯也先鄭
云狸步謂一舉足為一步於今為半步者此言於射張
侯義無取故後鄭不從是以後鄭為狸善搏物解之云
侯道者各以弓為度九節者九十弓已下者按鄉射記
鄉侯五十弓弓二寸以為侯中彼據鄉射之侯一侯五
十弓者而言若大射三侯云九十七寸下制六尺六
為數弓之上制六尺六寸中制六尺三寸下制六尺六
尺與步相應故鄭連引大射三侯以義相會諸侯三侯
用物雖不與天子同侯道則同但天子侯道無文約同
諸侯故更引司裘天子三侯以會之諸侯糝侯知豹鵠
而麋飾者以司裘云諸侯熊侯豹侯卿大夫麋侯畿外
不得純如天子近侯已用豸則大侯不得用虎侯明大
侯用畿內諸侯熊侯為之其中豹侯麋侯則諸侯兼此
二侯乃稱糝豹尊於麋明以豹為鵠以麋王射則令去
為飾耳不純用豹麋者下天子大夫故也

侯立于後以矢行告卒令取矢注鄭司農云射人主令人去侯所而立於後也以矢行告射人主以矢行高下左右告于王也大射禮曰大射正立于公後以矢行告于公下曰留上曰揚左右曰方杜子春說以矢行告告白射事于王王則執矢也杜子春說不與禮經合疑非是也卒令取矢謂射卒射人令當取矢者使取矢也玄謂令去侯者命負侯者去侯也鄉射曰司馬命獲者執旌以負侯音義卒子恤反注同疏釋曰此文承賓射大射之下則王射射人皆令去侯立於

後以矢行告卒令取矢注釋曰先鄭云射人主令人去侯所者不辨其去侯之人故後鄭增成其義其負侯之人是服不氏也又引鄉射直云司馬命負侯不言官者大夫士家無服不氏家臣為之故也天子射人無其事
故引大射之祭侯則為位注祭侯獻服不服不以祭侯等為證也

為位為服不受獻之位也大射曰服不侯西北三步北

面拜受爵疏之注釋曰按大射禮使服不氏負侯將祭侯之時先設位於侯西北北面服不氏於位

受得獻訖乃於侯所北面祭侯與大史數射中注射中

數射者中侯之算也大射曰司射適階西釋弓去扑襲

進由中東立于中南北面視算音義數所主反注同扑

說文父疏注釋曰數算大史數之射人但視之耳故引

射人司射恒執張弓揖扑但令將視數算故適階西釋

去弓并去扑倚於階西襲乃適中南北面視數算也

佐司馬治射正注射正射之灋儀也疏注釋曰射之威

故名射儀為射正也司馬所主射儀謂若命去侯命

取矢乘矢之等皆當佐之言治者亦謂預習之類也

祭則贊射牲相孤卿大夫之灋儀注丞嘗之禮有射豕

者國語曰禘郊之事天子必自射其牲今立秋有羆劉

云音義一音如字疏注釋曰鄭知丞嘗之禮有射豕者

之事天子必自射其牲者據祭天之時牲則擯也若然

宗廟之祭秋冬則射之春夏否也祭天則四時常射天

尊故也是以司弓矢共王射牲之弓矢此射人贊射牲也諸侯已下則不射楚語云劉羊擊豕而已云今立秋有驅劉云者漢時苑中有驅劉即爾雅驅似狸劉殺也云立秋驅殺物引之者證烝嘗在秋有射牲順時氣之禮

會同朝覲作大夫介凡有爵者注作讀如作止爵之

作諸侯來至王使公卿有事焉則作大夫使之介也有

爵者命士以上不使賤者音義

介劉古拜反疏釋曰作注及下同

會同朝覲王使公卿有事於會同則射人使大夫為上介使凡有爵者命士以上為衆介也注釋曰鄭讀作如作止爵之作者讀從特牲少牢三獻作止爵按彼主人主婦二獻尸訖賓長為三獻尸爵止鄭注云欲神惠之均於室中使主人主婦致爵訖三獻則賓長也賓長作起前所止之爵使尸飲之讀從者取動作使之義也

大師令有爵者乘王之倅車注倅車戎車之副音義倅

內反劉疏注釋曰大師謂王出征伐王乘戎路副車十倉爰反疏二乘皆從王行則使有爵者命士已上乘之

知倅車戎車之副者戎僕云掌王倅車之政鄭云倅車之副也有大賓客則作卿大夫

從注作者選使從王見諸侯音義從才用疏注釋曰大

會同則是秋冬覲遇并春夏受享在廟之時從王見諸侯也戒大史及大夫介注戒

戒其當行者覲禮曰諸公奉篋服加命書于其上升自

西階東面大史氏右疏注釋曰此謂王有命使三公命諸侯及衣服就館賜之時則射

人戒大史及大夫與諸公為介注引覲禮者證王使諸公就館賜侯氏之法云大史氏右者謂於西階東面之

時大史在公之右命僕氏也是以公大喪與僕人遷尸
羊傳曰命者何加我服錫者何賜也

作卿大夫掌事比其廬不敬者苛罰之注僕人大僕也

僕人與射人俱掌王之朝位也王崩小斂大斂遷尸于

室堂朝之象也檀弓曰扶君卜人師扶右射人師扶左

君薨以是舉苛謂詰問之音義

比毗志反苛音何又呼何反朝直遙反下皆同

疏

釋曰作大夫掌事者謂王喪宜各有職掌比其廬者謂若宮正所云親者貴者居廬當比其本服親疏及

貴賤注釋曰知僕人大僕也者見大僕掌內朝射人掌正朝掌事是同周禮又更無僕人職故知是大僕是以

鄭云僕人與射人俱掌王之朝位也云王崩小斂大斂
遷尸於室堂者始死於北牖下遷尸於南牖下又云小

斂於戶內是遷尸於室小斂訖又遷尸於西階以入棺是遷尸大斂也云朝之象也者君所在臣朝之故云朝之象也引檀弓者證射人與僕人君之疾薨皆是二人之事彼鄭云尸當為僕即僕人也

服不氏掌養猛獸而教擾之注猛獸虎豹熊羆之屬擾

馴也教習使之馴服王者之教無不服音義劉擾而小反

彼皮反馴似疏注釋曰猛獸云之屬者兼有豺狼貔貅

者之教無凡祭祀共猛獸注謂中膳羞者獸人冬獻狼

春秋傳曰熊蹯不熟音義蹯音煩疏注釋曰上云養猛

掌也

獸則猛獸皆養之

此言祭祀所共據堪食者故鄭云謂中膳羞中膳羞唯
有熊狼故引獸人與春秋為證按內則亦云狼膾膏可
食也春秋傳者宣公二年晉靈公之時賓客之事則抗
宰夫舐熊蹯不熟殺之趙盾諫之是也

皮注鄭司農云謂賓客來朝聘布皮帛者服不氏主舉

藏之抗讀為亢其讐之亢玄謂抗者若聘禮曰有司二

人舉皮以束音義

抗注亢同苦浪反劉公即反

疏

注釋曰朝聘布皮帛者按聘禮行享

禮之時皮帛布於庭使服不氏舉皮以束抗即舉也故引為證也讀為亢其讐之亢者讀從僖二十八年城濮之戰子犯云背惠食言以亢其讐引之者取亢舉之義也後鄭引聘禮者增成先鄭義二人者即服不氏也

射則贊張侯以旌居乏而待獲注贊佐也大射禮曰命

量人中車張三侯杜子春云待當為持書亦或為持乏

讀為匱乏之乏持獲者所蔽玄謂待獲待射者中舉旌

以獲音義

中如字劉居各反中丁仲反

疏

注釋曰引大射者證服不氏佐量人中車張侯之事

後鄭云待獲待射者中舉旌以獲者以獲則大射禮唱獲者居乏中中則舉旌以宮下旌以商者是也故不從子春待為持也

射鳥氏掌射鳥注鳥謂中膳羞者鳧鴈鵠鵙之屬音義

射食亦反下射鳥同鳧音扶鵠音保鵙于苗反疏注釋曰知中膳羞者以上文猛獸有共祭祀此下文云祭

祀鴈鵠鵙者內則云舒鳧翠鴈鵙腎鵠中膳羞者也鄭知鳧鴈鵠鵙者內則云舒鳧翠鴈鵙腎鵠

鵝胖此等去翠腎胖是可膳羞者也云之屬者魚有雄鵝鵝之等也祭祀以弓矢毆鳥鵝

凡賓客會同軍旅亦如之注鳥鵝善鈔盜便汙人音義

毆起居反鵝弋專反鈔初教反疏釋曰賓客會同毆鳥

又初交反便婢面反劉符絹反鵝者以其會同皆有

盟詛之禮殺牲之事軍旅亦有射則取矢矢在侯高則

斬牲徇陳之事故須毆鳥鵝射則取矢矢在侯高則

以并夾取之注鄭司農云王射則射鳥氏主取其矢矢

在侯高者矢著侯高人手不能及則以并夾取之并夾

鉞箭具夾讀為甲故司弓矢職曰大射燕射共弓矢并

夾音義

夾音甲著直略反鉞其炎疏注釋曰射皆三番

三耦誘射雖中不獲第二第三皆衆耦共射皆釋獲有取矢之濫先鄭引司弓矢職直有大射燕射不言賓射亦同大射燕射也

羅氏掌羅烏鳥注烏謂卑居鵲之屬音義

卑音匹疏注又如字

曰鄭知烏卑居者見小弁詩云弁彼鵲斯歸飛提提注云鵲卑居卑居雅烏云鵲者即山鵲卑居之類云之屬者鵲有鵲則作羅襦注作猶用也鄭司農云鵲謂十二

月大祭萬物也郊特牲曰天子大鵲謂歲十二月合聚萬物而索饗之襦細密之羅襦讀為縐有衣絮之縐玄謂鵲建亥之月此時火伏蟄者畢矣豺既祭獸可以羅

網圍取禽也王制曰豺祭獸然後田又曰昆蟲已蟄可

以火田今俗放火張羅其遺教音義

襦女俱反或音須注縞同索色白反

絮女居反疏注釋曰先鄭所云其義得矣後鄭增成之字又作𦵏言蜡者直取當蜡之月得用細密之網羅

取禽獸故後鄭云此時火伏十月之時火星已伏在戌將蟄者畢矣引王制者證十月蜡祭後得火田有張羅

之事云今俗放火張羅其遺教者漢之俗間在上放火於下張羅承之以取禽獸是周禮之遺教則知周時亦

上放火下張羅也

中春羅春鳥獻鳩以養國老行羽物注春鳥

蟄而始出者若今南郡黃雀之屬是時鷹化為鳩鳩與

春鳥變舊為新宜以養老助生氣行謂賦賜音義

中音仲

疏

注釋曰此文仲春行羽物按司表職云仲秋獻良裘王乃行羽物彼注云仲秋鴈化為鷹仲春鷹化為鴈

順其始殺與其將止而大班羽物若然則一年二時行羽物但彼注云此羽物小鳥鵲雀之屬鷹所擊者此注

云春鳥若今南郡黃雀之屬不同者各舉一邊互見其義

掌畜掌養鳥而阜蕃教擾之注阜猶盛也蕃蕃息也鳥

之可養使盛大蕃息者謂鵝鶩之屬音義鵝音燭注同五何反鶩

音疏注釋曰云鳥之可養使盛大蕃息者謂鵝鶩之屬者鶩即今之鴨民間所畜故云焉祭祀共

卵鳥注其卵可薦之鳥音義卵劉本作疏注釋曰還謂卵音卵上經鵝鶩之

屬其鷄亦在焉歲時貢鳥物注鵝鴈之屬以四時來疏注釋曰不言鵝

鷩鷩者所畜非貢物故以野鳥為貢者也共膳獻之鳥注雉及鷩駕之屬音義鷩音純疏注釋曰此言堪膳而獻者惟有此等是以鷩駕音如疏內則及公食大夫上大夫二十豆有雉兔鷩駕云之屬者更有餘鳥也



周禮注疏卷三十

周禮注疏卷三十考證

司勲大功司勲藏其貳疏鄭知功書藏於天府者天府職文也○臣人龍按春官天府無此文鄭以意度之耳疏語未詳何據

惟加田無國正疏載師又有仕田○考載師職有士田無仕田

又少牢特牲是大夫有田者○牢監本訛宰今改正
第大夫下應增士字

量人凡祭祀饗賓疏毛云傳火曰燔○傳監本訛傳今
考詩生民篇傳改正

掌喪祭奠竊之俎實疏謂苞牲取下體葦苞一是也○
監本苞訛包一訛二今考既夕篇改正

小子凡沈辜疏九門者王之五門外有國門近郊門遠
郊門闕門為九○闕監本訛闕今改正

環人掌致師注御下捫馬掉鞅而還○捫監本訛捫左
傳作兩今依釋文改正又皆行其所聞而復之左傳

無之字

巡邦國搏諜賊疏此諜賊即上軍隱之類彼據王國此據邦國故異言之○監本脫王國此據四字既與上察軍隱節對言則當有二者相形明矣今補正

射人以射灋治射儀注治射儀謂肆之也○攷古肆字亦作肆又疏張皮侯而棲鵠監本脫侯字今据考工記補之

會同朝覲作大矢介凡有爵者疏鄭讀作如作止爵之

作者讀從特牲少牢三獻作止爵○臣緩按三獻作
止爵特牲之文非少牢也

周禮注疏卷三十考證

謹案卷二十九第十一頁後二行鼓人職刊本職

訛執今據鄭注改正

第二十頁後三行詩小雅引之刊本訛大雅今改
第三十三頁後六行大司馬合之為六耦刊本合

訛今據經文改

